





東觀漢記目錄

武英殿聚珍版原本

卷一

帝紀一

世祖光武皇帝

卷二

帝紀二

顯宗孝明皇帝

穆宗孝和皇帝

卷三

帝紀三

恭宗孝安皇帝

孝沖皇帝

肅宗孝章皇帝

孝殤皇帝

敬宗孝順皇帝

孝質皇帝





威宗孝桓皇帝

明文孝獻無紀本非  
闕佚故今不列其目

孝靈皇帝

案帝紀訖于靈帝  
隋書經籍志已

卷四

年表

百官表

王子侯表

恩澤侯表

諸王表

案以下四  
篇全闕

功臣表

卷五

志

地理志

禮志

郊祀志

律歷志

樂志

車服志

卷六

列傳一

外戚 戚

朝會志

案以下二  
篇全闕

天文志

光烈陰皇后

明德馬皇后

敬隱宋皇后

孝和陰皇后

和熹鄧皇后

順烈梁皇后

竇貴人

孝崇偃皇后

孝孝桓鄧皇后

卷七

列傳二

宗室

齊武王縯

北海靖王興

案前史列傳例  
有附載如妃嬪

附皇后子孫附祖父本書採綴成文人自  
為篇故今別為標目而仍以例附各傳後



+

北海敬王睦

趙孝王良

弘

梁

城陽恭王祉

東海恭王彊

沛獻王輔

楚王英

濟南安王康

東憲王蒼

延阜陵質王延

廣陵思王荆

簡中山簡王焉

琅邪孝王京

彭城靖王恭

樂成靖王黨

樂成王萇

下邳惠王衍

孝德皇

平原懷王勝

卷八

列傳三

鄧禹

鄧訓

鄧鴻

鄧陟

鄧悝

鄧弘

鄧閭

鄧豹

鄧遵

吳漢

賈復

賈宗

耿況

耿弇

耿國

耿秉

耿恭

卷九

列傳四

寇恂

岑彭



岑起

馮彰

祭遵

祭參

蓋延

卷十

列傳五

耿純

馬武

馬成

陳俊

傅俊

馮異

朱祐

祭彤

景丹

鉞期

臧宮

劉隆

王梁

陳浮

堅鐔

劉

傳

王霸

任隗

李純

劉植

劉嘉

李通

竇固

竇章

卷十一

列傳六

鄧鄠

樊重

任光

李忠

邳彤

劉歆

王常

竇融

竇憲

卓茂

來歙

樊宏



樊儵

樊準

張歆

郭況

陰識

陰傳

卷十二

列傳七

馬援

馬防

馬客卿

馬融

樊梵

張況

張禹

陰睦

陰興

馬廖

馬光

馬嚴

馬稜

卷十三

列傳八

伏湛

伏恭

侯霸

韓歆

朱浮

杜林

馮勤

伏盛

伏晨

宋弘

歐陽歆

張湛

張純

馮魴

梁不疑

梁商

梁統

孫咸

梁冀

梁竦



馮石

趙憙

卷十四

列傳九

朱鮪

鮑永

鮑昱

田邑

馮衍

馮豹

王闕

王元

卷十五

列傳十

丁綝

丁鴻

宣秉

宣彪

王丹

王良

申屠剛

鄧暉

郭伋

杜詩

孔奮

張堪

衛颯

茨充

任延延

董宣

樊曄

李章

馮駿

鄧讓

卷十六

列傳十一

班彪

班固

班超

班始

鄭興

鄭眾



范升

陳元

桓榮

桓郁

桓焉

桓鸞

桓典

桓礪

張佚

桓譚

劉昆

劉軼

注丹

戴憑

牟長

尹敏

高詡

丁恭

甄宇

張立

李恭

蘇竟

丁邯

溫序

周

周嘉

劉茂

索盧放

朱勃

樊顯

楊正

崔篆

崔駟

崔瑗

崔寔

倪萌

古初

王

王琳

蔡順

李業

逢萌

王霸

嚴光

閔貢

周黨

井丹

耿嵩

卷十七



列傳十二

虞延 延

周澤

郭丹

牟融

孫堪

魏應

劉般

劉愷

郭賀

吳良

劉平

承宮

鍾離意

宋均

朱圃

鮒陽鴻

楊政

薛漢

郇恁

徐匡

張重

姜詩

趙孝

魏譚

李善

卷十八

列傳十三

第五倫

桓虞

鄧彪

鄭弘

袁安

朱暉

韋彪

韋豹

郭躬

鄭均

王景

廉范

王阜

秦彭

玄賀

曹褒



而 賈逵

江革

召馴

李育

杜安

杜根

杜篤

宋揚

趙興

趙勤

毛義

淳于恭

梁鴻

高鳳

郭鳳

卷十九

列傳十四

張酺

韓稜

巢堪

魯恭

魯丕

徐防

陳寵

陳忠

尹勤

何熙

魏霸

應順

應奉

應劭

鄭璩

樂恢

何敞

周榮

梁諷

李恂

王渙

黃香

黃瓊

黃琬

張霸

周紆

李充

司馬均



汝郁

郭玉

卷二十

列傳十五

張敏

楊秉

任尙

馮良

蔡倫

李固

左雄

張綱

張表

鄭衆

楊震

楊賜

薛苞

所輔

龐參

張耽

周舉

王堂

吳祐

朱遂

韓昭

孫程

籍建

祝良

丘騰

趙序

苗光

卷二十一

列傳十六

胡廣

劉祐

韋毅

陳蕃

寬 劉寬

陳龜

李雲

宗資

段熲

陳球



張奐

陽球

趙咨

荀曇

符融

高彪

范丹

韓卓

曹節

皇甫嵩

王允

趙溫

孔融

蔡邕

周周

劉翊

郭汜

呂布

蔣疊

須誦

馮模

周行

劉訓

雍儵

梁福

范康

蔣翊

宗慶

郝刪

喜夷

李庸

巴异

卜福

陳導

楊喬

翟歆

魏成

畢尋

段普

邢崇

陰猛

羊融

張意

沈豐

蕭彪

陳囂

卷二十二



列傳十七 列女 外裔

鮑宣妻

江伯姊

匈奴南單于

荻都夷

西羌

西域

卷二十三

載記

劉玄

公賓就

申屠志

陳遵

劉盆子

赤眉

呂母

王郎

盧芳

蘇茂

彭寵

張豐

秦豐

鄧奉

龐萌

隗囂

公孫述

延岑

田戎

銅馬等羣盜

卷二十四

佚文

附東觀漢記范書異同

提要

臣等謹案東觀漢記隋書經籍志稱長水校尉劉珍等撰今攷之范書珍未嘗為長水校尉且此書創始在明帝時不可題珍等居首案范書班固傳云明帝始詔班固與睢陽令陳宗長陵令尹敏司隸從事孟冀共成世祖本紀并撰功臣平林新市公孫述事作列傳載記二十八篇此漢



記之初創也劉知幾史通古今正史篇云安帝詔史官謁者僕射劉珍及諫議大夫李尤雜作紀表名臣節士儒林外戚諸傳起建武訖永初范書劉珍傳亦稱鄧太后詔珍與劉駒駱作建武以來名臣傳此漢記之初續也史通又云劉珍等卒復命侍中伏無忌與諫議大夫黃景作諸王子功臣恩澤侯表南單于西羌傳地理志元嘉元年復令大中大夫邊韶大軍營司馬崔寔議郎朱穆曹壽雜作孝穆崇二皇及順烈皇后傳又增外戚傳入安思等后儒林傳入崔篆諸人寔壽又與議郎延篤雜作百官表順帝功臣孫程郭願及鄭衆蔡倫等傳凡百十有四篇號曰漢記范書伏湛傳亦云元嘉中桓帝詔伏無忌與黃景崔寔等共撰漢紀延篤傳亦稱篤與朱穆邊韶共著作東觀此

漢記之再續也蓋至是而史體粗備乃肇有漢記之名史通又云熹平中光祿大夫馬日磾議郎蔡邕楊彪著作東觀接續紀傳之可成者而邕別作朝會車服二志後坐事徙朔方上書求還續成十志董卓作亂舊文散逸及在許都楊彪頗存注記案范書蔡邕傳邕在東觀與盧植韓說等撰補後漢記所作靈紀及十志又補諸列傳四十二篇因李傕之亂多不存盧植傳亦稱熹平中植與邕說並在東觀補續漢記又劉昭補注司馬書引袁山松書云劉洪與蔡邕共述律歷記又引謝承書云胡廣博綜舊儀蔡邕因以爲志又引謝沈書云蔡邕引中興以來所修者爲祭祀志范書李賢注稱邕上書云臣科條諸志所欲刪定者一所當接續者四前志所無欲著者五此漢記之三續也



其稱東觀者范書安帝紀李賢注引雒陽宮殿名云南宮有東觀竇章傳云永初中學者稱東觀爲老氏藏室道家蓬萊山蓋東漢之初著述在蘭臺至章和以後圖籍盛于東觀修史者皆在是焉故以名書隋志稱書凡一百四十三卷而新舊唐書志則云一百二十六卷又錄一卷蓋唐時已有闕佚隋志又稱是書起光武訖靈帝今攷列傳之文閒記及獻帝時事蓋楊彪所補也晉時以此書與史記漢書爲三史人多習之故六朝及初唐人隸事釋書類多徵引自唐章懷太子李賢集諸儒注范書盛行于代此書遂微北宋時尙有殘本四十三卷趙希弁讀書附志邵博聞見後錄並稱其書乃高麗所獻蓋已罕得南宋中興書目則止存鄧禹吳漢賈復耿弇寇恂馮異祭遵景丹蓋延

九傳共八卷維時有蜀本流傳而錯誤不可讀上蔡任澆始以祕閣本讎校羅願爲序行之刻板于江夏郡又陳振孫書錄解題稱其所見本卷第凡十二而闕第七第八二卷卷數雖似稍多而核其列傳之數亦止九篇則固無異于書目所載也自元以來此書久佚永樂大典于鄧吳賈耿諸韻內並無漢記一語則所謂九篇者明初卽已不存矣

本朝姚之駟撰後漢書補逸曾蒐集遺文析爲八卷然所採祇據劉昭續漢書十志補注范書李賢注虞世南北堂書鈔歐陽詢藝文類聚徐堅初學記五書又往往掇拾不盡挂漏殊多今謹據姚本舊文以永樂大典各韻所載參攷諸書補其闕逸所增者幾十之六其書久無刊本傳寫多



訛姚本隨文鈔錄謬戾百出且漢記目錄雖佚而紀表志  
傳載記諸體例史通及各書所載梗概尙一一可尋姚本  
不加攷證隨意標題割裂顛倒不可殫數今悉加釐正分  
爲帝紀三卷年表一卷志一卷列傳十七卷載記一卷其  
篇第無可攷者別爲佚文一卷而以漢記與范書異同附  
錄于末雖殘珪斷璧零落不完而古澤斑斕罔非瑰寶書  
中所載如章帝之詔增修羣祀杜林之議郊祀東平王蒼  
之議廟舞並一朝大典而范書均不詳載其文他如張順  
預起義之謀王常贊昆陽之策楊正之嚴正趙勤之潔清  
亦復槩從闕如殊爲疎略惟賴茲殘笈讀史者尙有所循  
則其有資攷證良匪淺鮮尤不可不亟爲表章矣乾隆四  
十二年十月恭校上

總纂官侍讀學士

臣

陸錫熊

侍講學士

臣

紀昀

纂修官庶吉士

臣

楊昌霖



東觀漢記卷一

帝紀一

世祖光武皇帝

光武皇帝諱秀高帝九世孫也承文景之統出自長沙定王發

王生春陵節侯春陵本在零陵郡節侯孫考侯案考侯原誤作孝侯今從范書

城陽恭王社傳及文選李善注改以土地下溼元帝時求封南陽蔡陽白水鄉

因故國名曰春陵皇考初為濟陽令有武帝行過宮常封閉帝

將生皇考以令舍下溼開宮後殿居之案范書帝紀李賢注引蔡邕碑云光武將生皇

考以令舍不顯開宮後殿居之與此合范書謂生于縣舍殊誤建平元年十二月甲子夜帝生

時有赤光室中盡明如晝皇考異之使卜者王長卜之長曰此

善事不可言是歲有嘉禾生一莖九穗長大于凡禾縣界大豐



兆始形于此帝為人隆準日角大口美鬚眉長七尺三寸在春

陵時望氣者言春陵城中有喜氣曰美哉王氣鬱鬱葱葱案范書帝

紀望氣者蘇伯阿也年九歲而南頓君卒案范書帝紀南頓君名欽即帝考也隨其叔父在

蕭入小學後之長安受尚書于中大夫廬江許子威資用乏與

同舍生韓子合錢買驢令從者儼以給諸公費大義略舉因學

世事朝政每下案太平御覽每下作美惡必先聞知具為同舍解說高才好

學然亦喜遊俠鬪雞走馬具知閭里姦邪吏治得失時會朝請

舍長安尚冠里南陽大人賢者往來長安為之邸閣稽疑議案

選李善注嘗為季父故春陵侯訟逋租于大司馬嚴尤尤見而

奇之時宛人朱祐亦為舅訟租于尤尤止車獨與帝語不視祐

帝歸戲祐曰嚴公寧視卿耶王莽時雒陽以東米石二千莽遣

三公將運關東諸倉賑貸窮乏又分遣大夫謁者教民煮木為

酪酪不可食重為煩擾流民入關者數十萬人置養贍官以廩

之盜發其廩民餓死者十七八人民相食末年天下大旱蝗蟲

蔽天盜賊羣起四方潰畔荆州下江平林兵起王匡王鳳為之

渠率時南陽旱饑而帝田獨收帝仁智明達案太平御覽達作遠多權略

樂施愛人在家重慎畏事勤于稼穡兄伯升好俠笑帝事田作

比之高祖兄仲宛大姓李伯玉案以下文事蹟推之李伯玉蓋即李通而范書李通傳止云字

次元不言其一名伯玉是可補其闕略從弟軼數遣客求帝帝欲避之先是時伯

玉同母兄公孫臣為醫伯升請呼難伯升殺之案同母兄公孫臣司馬彪續漢

書及是書李通傳俱作同母弟申屠臣與此異帝恐其怨故避之使來者言李氏欲相

見款誠無他意帝乃見之懷刀自備入見固始侯案范書李通傳通建武二

年封固始侯兄弟為帝言天下擾亂飢餓下江兵盛南陽豪右雲擾

因具言讖文事劉氏當復起李氏為輔帝殊不意獨內念李氏

劉傳



富厚父為宗卿師語言譎詭殊非次第嘗疾毒諸家子數犯法  
 令李氏家富厚何為如是不然諾其言諸李遂與南陽府掾史  
 張順等連謀帝深念良久天變已成遂市兵弩絳衣赤幘時伯  
 升在春陵亦已聚會客矣帝歸舊廬望見廬南若火光以為人  
 持火呼之光遂盛赫然屬天有頃不見異之遂即歸宅乃與伯  
 升相見初伯升之起也諸家子弟皆亡逃自匿曰伯升殺我及  
 聞帝至絳衣大冠服將軍服乃驚曰以為獨伯升如此也仲謹  
 厚亦如之皆合會共勞饗新市平林兵王匡王鳳等因率春陵  
 子弟隨之兵合七八千人帝騎牛與俱殺新野尉後乃得馬帝  
 起義兵案范書帝紀起兵在王攻南陽暮聞冢上有哭聲後有  
 人著大冠絳單衣案此有關文攷范書使劉終偽稱江夏吏誘  
 殺湖陽尉嚴尤擊下江兵案班書王莽傳地皇三年遣納言大  
將軍嚴尤秩宗大將軍陳茂擊荊州

破下帝奉糗一斛脯三十胸進圍宛城案自此以下皆王莽地  
皇四年事即更始元年

也王莽懼遣大司徒王尋大司空王邑將兵來征更始立以帝  
 為太常偏將軍時無印得定武侯家丞印佩之入朝尋邑兵到  
 潁川嚴尤陳茂與合尤問城中出者言帝不敢取財物但合會  
 諸兵為之計策尤笑言曰是美鬚眉目者耶欲何為乃如此初  
 莽遣尋邑欲盛威武以振山東兵甲衝輶干戈旌旗戰攻之具  
 甚盛至驅虎豹犀象奇偉猛獸以長人巨無霸為中壘校尉自  
 秦漢以來師出未會有也帝邀之于陽關尋邑兵盛漢兵反走  
 帝馳入昆陽諸將惶恐各欲散歸帝與諸將議城中兵穀少宛  
 城未拔力不能相救今昆陽即破一日之間諸將亦滅不同力  
 救之反欲歸守其妻子財物耶諸將怒曰劉將軍何以敢如此  
 帝乃笑且去惟王常是帝計會候騎還言尋邑兵已來長數百



里望不見其後尾前已至城北矣諸將遽請帝帝到為陳相救之勢諸將素輕帝及迫急帝為畫成敗皆從所言時漢兵八九千人留王鳳令守城夜出城南門尋邑兵已五六萬到遂環昆陽城作營且圍之數十重案姚之駟本作數百重參證范書帝紀則百字誤雲車十餘丈瞰臨城中旗幟蔽野塵燦連雲金鼓之聲數十里或為地突或為衝車撞城積弩射城中矢下如雨城中負戶而汲尋邑自以為成功漏刻有流星墜尋營中正晝有雲氣如壞山直營而實不及地尺而散吏士皆壓伏時漢兵在定陵鄜者聞尋邑兵盛皆怖帝歷說其意為陳大命請為前行諸部堅陣帝將步騎千餘前去尋邑軍四五里而陣尋邑遣步騎數千合戰帝奔之斬首數十級諸部將喜曰劉將軍平生見小敵怯今見大敵勇甚奇怪也帝復進尋邑兵卻諸部乘之斬首數百千級連連勝

遂令輕足將書與城中諸將言宛下兵復到而陽墜其書尋邑得書讀之恐帝遂選精兵三千人從城西水上奔陣尋邑兵大奔北于是殺尋而昆陽城中兵亦出中外並擊會天大雷風暴雨下如注水潦成川滙水盛溢邑大眾遂潰亂奔走赴水溺死者以數萬滙水為之不流邑與嚴尤陳茂輕騎乘死人渡滙水逃去漢軍盡獲其珍寶輜重車甲連月不盡五月齊武王拔宛城案齊武王即帝兄伯升後數日更始收齊武王部將劉稷齊武王強爭之遂用譖愬復收齊武王即日皆物故帝降潁陽雖得入意不安門下有繫馬著鼓者馬驚碾磕鄧晨起走出視之乃馬也帝在父城徵詣宛拜帝為破虜大將軍封武信侯更始害齊武王帝飲食語笑如平常獨居輒不御酒肉坐臥枕席有涕泣處更始欲北之雒陽以帝為司隸校尉先到雒陽整頓官府文書移



與屬縣三輔官府吏案官府吏太平御覽作吏士東迎雒陽者見更始諸將

過者已數十輩皆冠幘衣婦人衣諸于繡擁襦大為長安所笑

知者或畏其衣奔亡入邊郡避之及見司隸官屬皆相指視之

極望老吏或垂涕曰粲然復見漢官儀體賢者蟻附更始欲以

近親巡行河北大司徒賜言帝第一可用更始以帝為大司馬

遣之河北十月帝持節渡孟津鎮撫河北安集百姓帝至邯鄲

趙王庶兄胡子進狗牒馬醢故趙繆王子臨說帝決水灌赤眉

胡子立邯鄲卜者王郎為天子案胡子太平御覽作趙繆王子

李賢注云東觀記林作臨未移檄購求帝十萬戶案以上皆更

王郎追帝帝自薊東南馳案范書帝紀徇至饒陽官屬皆乏食

帝乃自稱邯鄲使者入傳舍傳吏方進食從者飢爭奪之傳吏

疑其偽乃椎鼓數十通給言邯鄲將軍至官屬皆失色帝升車

欲馳而懼不免還坐曰請邯鄲將軍入久乃駕去夜止燕萋亭

大風雨馮異進一笥麥飯兔肩聞王郎兵至復驚去至南宮天

大雨帝引車入道旁空舍竈中有火馮異抱薪鄧禹吹火帝對

竈炙衣大會真定帝自擊筑案此事范書不載但云帝得任光

盧奴南擊新市真定防子皆下帝率鄧禹等擊王郎橫野將軍

劉奉大破之案劉奉范書鄧禹還過鄧禹營禹進食炙魚帝大

餐啗時百姓以帝新破大敵欣喜聚觀見帝餐啗勞勉吏士威

嚴甚厲于是皆竊言曰劉公真天人也帝引兵攻邯鄲連戰即

兵挫折郎遣諫議大夫杜長威案范書帝紀作杜威持節詣軍門帝遣棨

戟迎延請入軍見上據地曰實成帝遺體子興也帝曰正使成

帝復生天下不可復得也況詐子興乎長威請降得萬戶侯帝

曰一戶不可得長威曰邯鄲雖鄙君臣并力城守尚可支一歲



終不君臣相率而降但得全身也辭去而郎少傅李立反郎開城門漢軍破邯鄲誅郎入宮收文書得吏民謗毀帝言可擊者數千章帝謂諸將燒之曰令反側者自安也案反側者歐陽詢

子與范書同帝圍邯鄲未下彭寵遺米糒魚鹽以給軍糧由是破邯鄲更始遣使者即立帝為蕭王諸將議上尊號帝不許案范書始悉令罷兵詣行在所帝辭以河北未平不就徵自是始貳于更始帝擊銅馬大破之受降適畢

封降賊渠率諸將未能信賊亦兩心帝敕降賊各歸營勒兵待帝輕騎入案行賊營賊曰蕭王推赤心置人腹中安得不投死

由是皆自安詔馮異軍鴈門卒萬餘人降之案詔字下原本衍帝紀及馮異傳俱不載此詔惟異拒朱鮪李軼時會

北攻天井關拔上黨兩城則軍鴈門當即在是時帝已乘王豐小馬先到矣而營門不覺案此十五字上有闕文據范書帝

槍五幡于順水比乘勝輕進反為所敗賊追急短兵接帝自投高岸遇突騎王豐下馬授帝耿弇頻射卻賊得免散兵歸保范陽軍中不見帝或云已沒即是時也帝破賊入漁陽諸將上尊號帝不許議曹掾張社言俗以為燕人愚方定大事反與愚人相守非計也帝大笑帝發薊還案是時破尤來大士眾喜樂師行鼓舞歌詠雷聲

入荒震動至范陽命諸將收葬吏士至中山諸將復請上尊號上奏曰大王社稷為計萬姓為心耿純說帝曰天時人事已可知矣初王莽時帝與伯叔及姊壻鄧晨穰人蔡少公燕語少公道讖言劉秀當為天子或曰是國師劉子駿也帝戲言曰何

非僕耶坐者皆大笑時傳聞不見赤伏符文軍中所案姚之駟文章軍中所帝未信到鄗帝所與在長安同舍諸生彊華自長

矣乃命有司設壇于鄗南千秋亭五成陌

建武元年夏六月己未即皇帝位燔燎告天禋于六宗改元為

劉知

耳



建武改鄗為高邑詔曰故密令卓茂束身自修執節惇固斷斷無他其心休休焉夫士誠能為人所不能為則名冠天下當受天下重賞故武王誅紂封比干之墓表商容之閭今以茂為太傅封宣德侯案宣范書卓茂傳作褒食邑二千戶賜安車一乘衣一襲金

五斤冬十月帝入雒陽幸南宮遂定都焉帝破聖公與朱然書曰交鋒之日神星晝見太白清明案范書帝紀未即位前使馮異寇恂破更始大司馬朱鮪

軍即位後使鄧禹破更始定國公王匡軍此云交鋒未知何時又朱然太平御覽作伯叔本文似有訛脫

二年春正月益吳漢鄧禹等封自漢草創德運正朔服色未有所定高祖以十月為正以漢水德立北時而祠黑帝至孝文賈誼公孫臣以為秦水德漢當為土德至孝武兒寬司馬遷猶從土德自帝即位按圖讖推五運漢為火德周蒼漢赤木生火赤代蒼故帝都雒陽制兆于城南七里北郊四里行夏之時時以

苗 龍 至

平日服色犧牲尚黑明火德之運常服徽幟尚赤四時隨色季夏黃色議者曰昔周公郊祀后稷以配天宗祀文王以配上帝圖讖著伊堯赤帝之子俱與后稷竝受命而為王漢劉祖堯宜令郊祀帝堯以配天宗祀高祖以配上帝有司奏議曰追跡先代無郊其五運之祖者故禹不郊白帝周不郊帝嚳漢雖唐之苗堯以歷數命舜高祖赤龍火德承運而起當以高祖配堯之後元復于漢宜以時修奉濟陽城陽縣堯帝之冢雲臺致敬祭祀之禮儀亦如之帝遣游擊將軍鄧隆與幽州牧朱浮擊彭龍隆軍潞浮軍雍奴相去百餘里遣吏上奏言寵破在且暮帝讀檄未竟怒曰兵必敗比汝歸可知吏還未隆軍果為寵兵掩擊破浮軍遠不敢救以兵走幽州咸曰上神

三年帝征秦豐幸舊宅

案范書帝紀及岑彭傳春三月帝自將南征夏四月破斬鄧奉五月還宮令岑



彭等南擊秦豐秋七月大破之于黎丘至冬十月乃幸春陵此牽連書之殊未明晰冬十月帝幸春陵祠園廟大置酒與春陵父老故人為樂以皇祖皇考墓為昌陵後改為章陵以春陵為章陵縣案范書帝紀改春陵鄉為章陵縣在建武六年此蓋通後事言之隗囂上書報以殊禮

四年夏五月帝幸盧奴為征彭寵故也自王莽末天下旱霜連年百穀不成元年之初耕作者少民饑饉黃金一斤易粟一石至二年秋天下野穀旅生麻菽尤盛或生蒹菜果實野蠶成繭被山民收為絮採穫穀果以為蓄積至是歲野穀生者稀少而南畝益闢矣

五年初起太學諸生吏子弟及民以義助作帝自齊歸案范書帝紀是時平張步歸也幸太學賜博士弟子有差

六年春二月吳漢下胸城案范書帝紀蓋平董憲龐萌也天下悉定惟獨公孫

月  
廿  
廿

述隗囂未平帝曰取此兩子置度外乃休諸將置酒賞賜之每幸郡國下輿見吏輒問以數十百歲能吏次第下至掾史簡練臣下之行下無所隱其情道數十歲事若案文書吏民驚惶不知所以人自以見識家自以蒙恩遠臣受顏色之惠坐席之間以要其死力當此之時賊檄日以百數憂不可勝帝猶以餘閒講經藝發圖讖制告公孫述署曰公孫皇帝囂雖遣子入侍案

書帝紀隗囂遣子恂入侍在五年冬十二月尚持兩心囂故吏馬援謂囂曰到朝廷凡數十見案本書馬援傳作凡十四見自事主未嘗見明主如此也材直驚

人其勇非人之敵開心見誠與人語好醜無所隱諱圖講天下事極盡下思兵事方略量敵校勝闊達多大節與高帝等經學博覽政事文辯前世無比囂曰如卿言勝高帝耶曰不如也高帝大度無可無不可今上好吏事動如節度不飲酒囂大笑曰



劉

己

威

如卿言反復勝也案范書馬援傳囂信援故遂遣長子恂入質此敘援言于囂遣子入侍之後與范書異  
代郡太守劉興將數百騎攻賈覽上狀檄至帝知其必敗報書曰欲復進兵恐失其頭首也詔書到興已為覽所殺長史得檄以為國家坐知千里也

七年春正月詔羣臣奏事無得言聖人又舊制上書以青布囊素裹封書不中式不得上既上詣北軍待報前後相塵案塵太平御覽

作連歲月乃決帝躬親萬幾急于下情乃令上書啓封則用不得刮璽書案刮璽太平御覽作引經取具文字而已奏詣闕平旦上其有當

見及冤結者常以日出時騶騎馳出召入其餘禺中使者出報即罷去如神遠近不偏幽隱上達民莫敢不用情追念前世園陵至盛王侯外戚葬埋僭侈吏民相效寢以無限詔告天下令薄葬

八年閏四月車駕西征河西大將軍竇融與五郡太守步騎二萬迎帝隗囂士眾震壞皆降囂走入城案入太平御覽作西吳漢岑彭追守之

九年春正月隗囂餓出城餐糗糲腹脹死

十一年幸章陵修園廟舊宅田里舍案文選李善注作過章陵祠園廟

十二年吳漢引兵擊公孫述案范書帝紀吳漢伐公孫述出師實在此入犍為界

云云乃在次年正月方是十二年事此蓋通始事言之入犍為界小縣多城守未下詔書

告漢直擁兵到成都據其心腹後城營自解散漢意難前獨言

朝廷以為我縛賊手足矣案此二句未明晰疑有誤遣輕騎至成都燒市橋

案范書吳漢傳漢攻廣都拔之遣輕騎燒成都市橋故下詔書有堅守廣都之語此不載漢拔廣都當有脫佚武陽以

東小城營皆奔走降竟如詔書漢兵乘勝追奔述距守詔書又

戒漢曰成都十萬餘眾不可輕也且堅據廣都城去之五十里



耳

劉

北

獵

羊

乘

待其即營攻城罷倦引去乃首尾擊之勿與爭鋒述兵不敢來  
轉營即之移徙輒自堅案此下范書吳漢傳有漢違十一月衆

軍至城門述自將背城而戰吳漢鼓之述軍大破刺傷述扶輿

入壁其夜死夷述妻子傳首于洛陽縱兵大掠舉火燔燒帝聞

之下詔讓吳漢副將劉禹曰城降嬰兒老母案文選李善口以

萬數一旦放兵縱火聞之可為酸鼻家有敝帚享之千金禹宗

室子孫故嘗更職何忍行此仰視天俯視地觀于放麇啜羹之

義二者孰仁矣失斬將弔民之義案矣太平御覽作且又議漢殺述親屬

太多是時名都王國有獻名馬案虞世南北堂書鈔作建武

劔直百金馬以駕鼓車劔以賜騎士苑囿池籞之官廢弋獵之

事不御雅性不喜聽音樂手不持珠玉衣服大絹而不重綵征

伐嘗乘革輿羸馬公孫述故哀帝時案此下未明晰攷范書述

為

用

北

周

十三年封殷紹嘉公為宋公周承休公為衛公案范書帝紀建

十四年封孔子後孔志為褒成侯

十五年詔曰刺史太守多為詐巧不務實核苟以度田為名聚

人田中并度廬屋里落聚人遮道啼呼案范書帝紀十五年詔

劉

羊

十七年帝以日食案范書帝紀日食避正殿讀圖識多御坐庶



下淺露中風發疾苦眩甚左右有白大司馬史病苦如此不能  
 動搖自強從公出乘以車行數里病差四月二日車駕宿偃師  
 病差數日入南陽界到葉以車騎省留數日行黎陽兵馬千餘  
 匹遂到章陵起居平愈鳳凰五高八尺九寸毛羽五采集潁川  
 羣鳥從之蓋地數頃留十七日乃去案范書帝紀鳳凰見在冬十月商賈重寶  
 單車露宿牛馬放牧道無拾遺

十九年帝下詔曰惟孝宣皇帝有功德其上尊號曰中宗幸南  
 陽汝南至南頓止令舍大置酒賜吏民復南頓田租一歲吏民  
 叩頭言皇考居此日久陛下識知寺舍每來輒加厚恩但復一  
 歲少薄願復十歲帝曰天下重寶大器常恐不任日慎一日安  
 敢自遠期十歲復增一歲

二十年夏六月帝風眩黃痺病發以衛尉關內侯陰興為侍

中興受詔雲臺廣室甘露降四十五日案日太平御覽作里

二十五年烏桓獻貂豹皮詣闕朝賀

二十六年春正月詔曰前以用度不足吏祿薄少今益其俸自

三公下至佐使各有差四月始營陵地于臨平亭南詔曰無為

山陵陂池裁令流水而已迭興之後亦無丘壟使合古法今日

月已逝當豫自作臣子奉承不得有加乃令陶人作瓦器又曰

臨平望平陰河水洋洋舟船泛泛善矣夫周公孔子猶不得存

安得松喬與之而共遊乎文帝曉終始之義景帝所謂孝子也

故遭反覆霸陵獨完非成法耶初作壽陵將作大匠竇融上言

園陵廣袤無慮所用帝曰古帝王之葬皆陶人瓦器木車茅馬

使後世之人不知其處太宗識終始之義景帝能遵孝道遭天

下反覆而獨完其福豈不美哉今所制地不過二三頃無為陵



畢

丘

八  
八  
八

八

池案初作壽陵以下至此見太平御覽與前段互有異同故茲纂入帝常自細書一札十行報

郡縣且聽朝至日晏夜講經聽誦坐則功臣特進在側論時政

畢道古行事次說在家所識鄉里能吏次第比類又道忠臣孝

子義夫節士坐者莫不激揚悽愴欣然和悅羣臣爭論上前嘗

連日皇太子嘗乘間言陛下有禹湯之明而失黃老養性之道

今天下大安少省思慮養精神帝答曰我自樂此時城郭丘墟

掃地更為帝悔前徙之案范書帝紀建武十五年徙鴈門代郡

省五原郡徙其吏人置河東二十五年南單于奉蕃稱臣二十

六年遣中郎將段彬授南單于璽綬令入居雲中于是雲中五

原朔方北地定襄鴈門上谷代郡民歸于本土遣草創苟合

未有還人案此亦指雲中等入郡民歸本土者言蓋是年雖遣

邊諸郡幽并二州由是而定民始徙盡

三十年有司奏封禪詔曰災異連仍日月薄食百姓怨嘆而欲

有事于太山汚七十二代編錄以羊皮雜貂裘何強顏耶

三十二年羣臣復奏宜封禪遂登太山勒石紀號改元為中元

中元元年案中元元年即建武三十二年也攷帝幸長安祠長

陵還雒陽宮是時醴泉出于京師郡國飲醴泉者痼疾皆愈獨

眇蹇者不瘥有赤草生于水涯郡國上甘露降羣臣上言地祇

靈應而朱草萌宜命太史撰具郡國所上帝不聽是以史官鮮

紀冬十月甲申使司空馮魴告祠高祖廟曰高皇呂太后不宜

配食薄太后慈仁孝文皇帝賢明子孫賴福延至于今宜配食

地祇高廟今上薄太后尊號為高皇后遷呂太后于園四時上

祭是歲初起明堂靈臺辟雍及北郊兆域宣布圖讖于天下  
二年春二月戊戌帝崩于南宮前殿在位三十三年時年六十  
二遺詔曰朕無益百姓如孝文皇帝舊制葬務從省約刺史二

賴

祇

延



厚

周

五

千石長皆無離城郭無遣吏及因郵奏太子襲尊號為皇帝羣

臣奏謚曰光武皇帝廟曰世祖三月葬原陵

帝詔曰明設丹青之信廣開束手之路

案此詔見文選李善注

下功臣鄧禹等二十八人皆為侯封餘功臣一百八十九人

書帝紀建武十三年功臣增邑更封凡三百六十五人與此異帝以天下既定思念欲完功臣

爵土不令以吏職為過故皆以列侯就第恩遇甚厚遠方貢甘

珍必先徧賜列侯而大官無餘有功輒增封邑故皆保全帝封

新野王子鄧汎為吳侯

案范書鄧汎長安元遇害光武即位追封諡元為

新野節義長公主封長子汎為吳侯與范書異伯父皇皇考姊

子周均為富波侯

案范書不載外祖樊重為壽張侯

案范書樊宏傳丹孫茂平望侯

案范書樊宏傳茂以建武二十七年封從子冲更父侯

案范書樊宏傳冲作后父陰睦為宣恩侯

案范書陰睦傳睦以

案范書陰睦傳睦以子識原鹿侯

案范書陰睦傳睦以弟由宜西鄉侯

案范書陰睦傳睦以女弟子來歙為征羌侯

案范書陰睦傳睦以寧平公主子李雄為新市侯

案范書陰睦傳睦以后父郭昌為陽安侯

案范書陰睦傳睦以弟皆于建武十七年廢時封

竟新鄴侯匡發于侯

邯為鍾離侯

帝既有仁聖之明氣勢形體天然之姿固非人之敵翕然龍舉

雲興三雨而濟天下蕩蕩人無能名焉

侯

巳四

劉

東觀漢記卷一

三

桐華館開雕



續漢書志補注李賢後漢書注所引之文互有異同又如光武紀中或稱公或稱王或稱世祖前後參差今畫一更正兼攷虞世南北堂書鈔歐陽詢藝文類聚徐堅初學記諸書所載各條此略彼詳取其詳者詳略相等從其善者依年月編次或年月無攷則彙綴于篇末如序贊之例

東觀漢記卷一

東觀漢記卷二

帝紀二

顯宗孝明皇帝

孝明皇帝諱陽一名莊世祖之中子也建武四年夏五月甲申帝生豐下銳上項赤色有似于堯世祖以赤色名之曰陽幼而

聰明睿智容貌莊麗十歲通春秋推誠對師傅無以易其辭

平御覽作十三年通春秋上循其頭曰吳季子陽對曰愚憊無比及阿乳母以問師傅曰少徵誠對師傅無以易其辭

光烈皇后初讓尊位為貴人故帝年十二以皇子立為東海公

時天下墾田皆不實詔下州郡檢覆百姓嗟怨州郡各遣使奏

其事世祖見陳留吏牘上有書曰潁川弘農可問河南南陽不

可問因詰吏吏抵言于長壽街得之世祖怒時帝在幄後曰吏

受郡敕當欲以墾田相方耳世祖曰即如此何故言河南南陽

雷

十

十

十



周

不可問對曰河南帝城多近臣南陽帝鄉多近親田宅踰制不可為準世祖令虎賁詰問乃首服如帝言遣謁者考實具知姦狀世祖異焉數問以政議應對敏達謀謨甚深溫恭好學敬愛師傅所以承事兄弟親密九族內外周洽世祖愈珍帝德以為宜承先序十七年冬十月詔廢郭皇后立陰貴人為皇后帝進爵為王十九年以東海王立為皇太子治尚書備師法兼通九經略舉大義博觀羣書以助術學無所不照中元二年春二月世祖崩皇太子即位

減

永平元年帝即阼長思遠慕至踰年正月乃率諸王侯公主外戚郡國計吏上陵如會殿前禮長水校尉樊儵奏言先帝大業當以時施行欲使諸儒共正經義頗令學者得以自助于是下太常將軍大夫博士議郎郎官及諸王諸儒會白虎觀講議五

經同異封太后弟陰興之子慶為鮦陽侯慶弟博為潁強侯案本作陰興為鮦陽侯子博潁強侯今據范書陰興傳校改陰盛為無錫侯楚王舅子許昌龍舒侯

二年春正月辛未宗祀光武皇帝于明堂帝及公卿列侯始服冕冠衣裳祀畢升靈臺望雲物大赦天下詔曰登靈臺正儀度

案文選李善注引是書永平二年詔文與此同攷范書帝紀是月大赦詔有升靈臺望元氣吹時律觀物變云云至三年正月詔曰朕奉郊祀登靈臺見史官正儀度下文為春者歲之始云云可證是書所載詔文由傳寫脫佚者甚多三月初

臨辟雍行大射禮冬十月幸辟雍初行養老禮詔曰十月元日始尊事三老兄事五更朕親袒割牲案文選李善注引是書詔文與此同攷范書帝紀亦

不止此帝尤垂意經學刪定擬議稽合圖讖封師太常桓榮為

關內侯親自制作五行章句每饗射禮畢正坐自講諸儒竝聽四方欣欣是時學者尤盛冠帶搢紳遊辟雍而觀化者以億萬



計

用

十

冊

計甲子西巡幸長安祠高廟遂有事于十一陵歷覽館舍邑居  
 舊處會郡縣吏勞賜作樂有縣三老大言陛下入東都臣望顏  
 色儀容類似先帝臣一懼喜百官嚴設如舊時臣二懼喜見吏  
 賞賜識先帝時事臣三懼喜陛下聽用直諫默然受之臣四懼  
 喜陛下至明懲艾酷吏視人如赤子臣五懼喜進賢用能各得  
 其所臣六懼喜天下太平德合于堯臣七懼喜帝令上殿欲觀  
 上衣因舉虎頭衣以畏三老帝曰屬者所言削章不如飽飯十  
 一月詔京兆右扶風以中牢祀蕭何霍光出郡錢穀給蕭何子  
 孫在三里內者悉令侍祀  
 三年春二月圖二十八將于雲臺冊曰剖符封侯或以德顯秋  
 八月詔曰尚書璇璣鈴曰有帝漢出德洽作樂名予其改郊廟  
 樂曰大予樂樂官曰大予樂官以應圖讖冬十月帝與皇太后

周

幸南陽祠章陵周觀舊廬召見陰鄧故人帝在于道所幸見吏  
 勞賜省事畢步行觀部署不用輦車甲夜讀衆書乙更盡乃寐  
 先五鼓起率常如此

四年春二月詔曰朕親耕于藉田以祈農事

五年冬十月幸鄴趙王栩會鄴常山賜錢百萬

六年廬江太守獻寶鼎出王雒山納于太廟詔曰易鼎足象三  
 公豈非公卿奉職得理乎太常其以禘祭之日陳鼎于廟以備

器用

八年冬十月上臨辟雍養三老五更禮畢上手書詔令尚書僕  
 射持節詔三公

九年詔為四姓小侯置學

十年夏閏四月行幸南陽祠章陵以山北至復祠于舊宅禮畢



水

召校官子弟作雅樂奏鹿鳴上自御塤篋和之以娛嘉賓至南  
頓勞養三老官屬是時天下安平人無徭役歲比登稔百姓殷  
富粟斛錢三十牛羊被野

十二年以益州徼外哀牢王率眾慕化地曠遠置永昌郡

十三年春二月帝耕藉田禮畢賜觀者食有諸生前舉手曰善

哉文王之遇太公也帝書版曰生非太公予亦非文王也

十四年帝作壽陵制令流水而已陵東北作廡長三丈五步外  
為小廚財足祠祀帝自置石椁廣丈二尺長二丈五尺

十五年春二月東巡狩癸亥帝耕于下邳三月幸孔子宅祠孔

子及七十二弟子親御講堂命太子諸王說經幸東平王宮帝

憐廣陵侯兄弟賜以服御之物又以皇太子輿馬悉賦予之

十七年春甘露仍降樹枝內附芝生前殿神雀五色翔集京師

輿

巳

戚

正月當謁原陵是夜帝夢見先帝太后如平生歡夢中喜覺因  
悲不能寐明日帝令百官採甘露悉會公卿表賀奉觴上壽太  
常丞上言陵樹葉有甘露帝率百官上陵甘露積于樹取以薦  
受賜畢上從席前伏御牀視太后鏡奩中物流涕敕易奩中脂  
澤妝具左右皆泣莫能仰視

十八年秋八月帝崩于東宮前殿在位十八年時年四十八諡  
曰孝明皇帝葬顯節陵十二月有司奏上尊號曰顯宗廟與世  
宗廟同而祠祫祭于世祖之堂共進武德之舞如孝文皇帝祫  
祭高廟故事自帝即位遵奉建武之政有加而無損初世祖閱  
傷前世權臣太盛外戚預政上濁明主下危臣子漢家中興惟  
宣帝取法至于建武朝無權臣外戚陰郭之家不過九卿親屬  
勢位不能及許史王氏之半至永平后妃外家貴者裁家一人



備列將校尉在兵馬官充奉宿衛闔門而已無封侯預朝政者自皇子之封皆減舊制嘗案輿地圖皇后在旁言鉅鹿樂成廣平各數縣租穀百萬帝令滿二十萬止諸小王皆當略與楚淮陽相比什減三四曰我子不當與先帝子等又國遠而小于王善節約謙儉如此

肅宗孝章皇帝

孝章皇帝諱炆孝明皇帝第五子也永平三年年四歲以皇子立為太子幼而聰達才敏多識世事動容進止聖表有異壯而仁明謙恕溫慈惠和寬裕廣博親愛九族矜嚴方厲威而不猛既志於學始治尚書遂兼五經周覽古今無所不觀由是明帝重之每事諮焉以至孝稱孜孜膝下永平十八年明帝崩帝即位

寬

穀

建初二年詔齊相止勿送冰紈方空穀吹綸絮

四年冬十一月詔諸王諸儒會白虎觀講五經同異

元和元年日南獻白雉白犀帝行幸敕御史司空道路所過歷樹木方春日無得有所伐輅車可引避也

二年春二月帝東巡狩泰山至于岱宗柴望秩山川羣神畢白鶴三十從西南來經祀壇上孔子後褒成侯等咸來助祭大赦

天下祀五帝于汶上明堂耕于定陶幸魯祠東海恭王及孔子七十二弟子禮畢命儒者論難還幸東平王宮涕泣沾襟五月

詔曰乃者白鳥神雀屢臻降自京師案文選李善注引是書詔文與此同攷范書帝紀作

五月戊申詔曰乃者鳳凰黃龍鸞鳥比集七郡或一郡再見及白鳥神雀甘露屢臻祖宗舊事或班恩施其賜天下吏爵人三級云云則是書所載詔文亦不止此二句而傳寫脫佚是年鳳皇見肥城廡亭槐樹上三

足鳥集沛國白鹿白兔九尾狐見



東觀漢記卷二  
三年代郡高柳烏子生三足大如雞色赤頭上有角長寸餘美陽得銅酒樽朱色青黃有古文

帝賜尚書劔各一手署姓名韓稜楚龍泉邛壽蜀漢文陳寵濟

南鍛成一室納兩刃其餘皆平劔其時論者以為稜淵深有謀

故得龍泉壽明達有文章故得漢文劔寵敦樸有善于內不見

于外故得鍛成劔皆因名而表意案此條見范書韓稜傳其頒賜年月無攷

明德太后姊子夏壽等私呼虎賁張鳴與敖戲爭鬪帝特詔曰

爾虎賁將軍蒙國厚恩位在中臣宿衛禁門當進人不避仇讐

舉罰不避親戚今者反于殿中交通輕薄虎賁蘭內所使至欲

相殺于殿下避門內畏懦恣縱姑不遂捕此皆生于不學之門

所致也案范書不載此事故下詔之年月無攷

元和二年以來至章和元年凡三年鳳凰二十九見郡國

章帝時鳳凰見百三十九麒麟五十二白虎二十九黃龍三十

四案范書帝紀李賢注引是書云黃龍見肥城句窳亭槐樹上蓋其一也青龍黃鵠鸞鳥神馬神

雀九尾狐三足烏赤烏白兔白鹿白燕白鵲甘露嘉瓜秬秠明

珠芝英華萃朱草連理實日月不絕載于史官不可勝紀案此條與

上一條俱似彙志符瑞之文今附綴紀後

序曰書云孝乎惟孝友于兄弟聖之至要也乾乾夕惕寅畏皇

天帝王之上行也明德慎罰湯文所務也密靜天下容于小大

高宗之極至也肅宗兼茲四德以繼祖考臣下百僚力誦聖德

紀述明詔不能辨章豈敢空言增廣以累日月之光

### 穆宗孝和皇帝

孝和皇帝諱肇章帝之中子也母曰梁貴人早薨帝自岐嶷至于總角孝順聰明寬和仁孝章帝由是深珍之以為宜承天位

寬



年四歲以皇子立為太子初治尚書遂兼覽書傳好古樂道無所不照章和二年春二月章帝崩太子即位

永元元年詔有司京師離宮園池悉以假貧人

二年春二月壬午日食時史官不覺涿郡言之單于乞降賜玉具劍羽蓋車一駟中郎將持節衛護焉

三年詔曰高祖功臣蕭曹為首有傳世不絕之誼曹相國後容

城侯無嗣朕甚愍焉望長陵東門見二臣之墓生既有節終不

遠身誼臣受寵古今所同

案范書帝紀作見二臣之壙循其遠節每有感焉忠義獲寵古今所同與

此稍異遣使者以中牢祠大鴻臚悉求近親宜為嗣者須景風紹

封以彰厥功

### 憲

四年夏六月大將軍竇憲潛圖弑逆庚申幸北宮詔收捕憲黨皆下獄使謁者收憲大將軍印綬遣憲及弟篤景就國到皆自

### 祀

殺

五年春正月宗祀五帝于明堂遂登靈臺望雲物大赦天下自京師離宮果園上林廣成園悉以假貧人恣得捕不收其稅六月郡國大雨雹大如鴈子

六年秋七月京師旱幸洛陽寺錄囚徒舉冤獄未還宮而澍雨九年冬十月改殯梁皇后于承光宮儀比敬園初后葬有闕竇后崩後乃議改葬

十年夏五月京師大雨南山水流出至東郊壞民廬舍

十一年帝召諸儒魯丕與侍中賈逵尚書令黃香等相難丕善對事罷朝特賜履襪

十二年象林蠻夷攻燔官寺秭歸山高四百餘丈崩填谿水壓殺百餘人冬十一月癸酉夜白氣長三丈起國東北指軍市是

### 襪



月西域蒙古疏勒二國歸義

十三年春正月上日帝以五經義異書傳意殊親幸東觀覽書

林閱篇籍

元興元年夏五月右扶風雍地裂冬十二月帝崩于章德前殿

在位十七年時年二十七葬順陵廟曰穆宗

朝無寵族政如砥矢惠澤沾濡鴻恩茂悅外憂庶勤經藝

自左右近臣皆誦詩書德教在寬仁恕並洽是以黎元寧康萬

國協和符瑞八十餘品帝讓而不宣故靡得而紀

孝殤皇帝

孝殤皇帝諱隆和帝之少子也和帝皇子數十生者輒夭故殤

帝養于民元興元年冬十二月和帝崩是日倉卒帝生百餘日

乃立以為皇太子其夜即位尊皇后鄧氏為皇太后帝在襁褓

績內

寬

任

賴

太后臨朝詔省荏弱平簞

延光元年八月帝崩于崇德前殿年二歲葬康陵

孝殤襁褓承統寢疾不豫天命早崩國祚中絕社稷無主天下

替然賴皇太后孔子稱有婦人焉信哉案此乃帝紀之序



東觀漢記卷二

東觀漢記卷三

帝紀三

恭宗孝安皇帝

孝安皇帝諱祐清河孝王第二子也少聰明敏達慈仁惠和寬裕博愛好樂施予自在邸第數有神光赤蛇嘉應照曜于室內又有赤蛇盤紆殿屋牀第之間孝王常異之年十歲善史書喜經籍和帝甚喜重焉號曰諸生數燕見省中特加賞賜下及玩弄之物諸王子莫得與比殤帝即位鄧后臨朝以帝幼小詔留于清河邸欲為儲副殤帝崩以玉青蓋車迎齋于殿中拜為長安侯乃即帝位謙讓恪勤孜孜經學篤志供養委政長樂宮永初元年徼外羌龍橋等六種慕義降附永昌獻象牙熊子新城山泉水大出突壞人田水深三丈冬十一月帝始講尚書耽

寬

聞

王



于典藝

二年春正月帝加元服夏六月雨雹大如芋魁雞子風拔樹發屋秋閏七月徼外羌薄申等八種舉眾降

三年鴈門烏桓及鮮卑叛五原郡兵敗于高梁谷案范書帝紀李賢注引是

書云戰九原高梁谷范書梁作渠渠梁相類必有誤也

四年新野君薨贈以玄玉赤綬賻錢三十萬布三萬匹

五年漢陽人杜琦反自稱安漢將軍漢陽故吏杜習手刺殺人

六年春正月甲寅皇太后率大臣命婦謁宗廟

七年郡國蝗飛過調濱水縣彭城廣陽廬江九江穀九十萬斛

送教倉

元初元年日南地圻長一百八十二里廣五十六里

二年春正月青衣蠻夷堂律等歸義冬十月安定太守杜恢與

調

司馬鈞并威擊羌恢乘勝深入至北地靈州丁奚城為羌所害鈞擁兵不救收下獄蠻田山高少等攻城殺長吏州郡募五里蠻夷六亭兵追擊山等皆降十二月賜五里六亭渠率金帛各有差

四年春二月武庫火燒兵物百二十五種直千萬以上冬十二月虔人種羌大豪恬狼等詣度遼將軍降

延光元年九真言嘉禾生禾百五十六本七百六十八穗

三年鳳凰集濟南臺丞霍穆舍樹上賜帛各有差衛縣本連理

定陵縣木連理潁川上言麒麟白鹿見黃龍見歷城又見諸縣

四年春三月幸宛還帝崩于葉帝在位十九年時年三十二御

車所止飲食百官鼓漏起居車騎鹵簿如故及還宮皇后與兄

顯中常侍江京樊豐等共為詐不欲令羣臣知帝道崩欲偽道



祇

寬

得病遣司徒等分詣郊廟社稷告天請命誣罔靈祇以亡為存其夕發喪羣僚百姓如喪考妣塞外蠻夷致祭涕泣葬蒸陵

敬宗孝順皇帝

孝順皇帝諱保孝安皇帝長子也母早薨追諡恭愍皇后帝幼有簡厚之質體有敦慤之性寬仁溫惠始入小學誦孝經章句和熹皇后甚嘉之以為宜奉大統年六歲永寧元年為皇太子受業尚書兼資敏達初乳母王男廚監邴吉為大長秋江京中常侍樊豐等所譖愬殺之太子數為歎息京等懼有後害遂共搆陷太子太子坐廢為濟陰王案此延光三年事明年三月安帝崩北鄉侯即尊位王廢黜不得上殿臨棺而悲哀泣血不下餐粥北鄉侯薨車騎將軍閻顯等議前不用濟陰王今用怨人白閻太后復徵立諸王子閉宮門屯兵自守中黃門孫程等十九人共

用

劉阿

蒲

討賊臣江京等以迎濟陰王于德陽殿西鐘下即皇帝位司空劉授以附附惡逆辟召非其人策免

永建元年太傅馮石太尉劉熹以阿黨權貴李郃以人多疾疫免

三年太傅桓焉以無清介辟召策罷

四年漢陽率善都尉蒲密因桂陽太守文囂獻大明珠詔曰海內頗有災異而囂不惟竭忠而遠獻明珠以求媚令封珠還密太尉劉光司空張皓以陰陽不和久託病策罷司徒許敬為陵轍使官策罷以千石祿終身

六年葉調國王遣使師會詣闕貢獻以師會為漢辨義葉調邑君賜其君紫綬及揮國王雍田亦賜金印紫綬

陽嘉元年望都蒲陰狼殺子女九十七人為不祠北嶽所致詔



東觀漢記卷三  
曰政失厥中狼災爲應至乃踐食孤幼博訪其故山嶽尊靈國  
所望秩而比不奉祠淫刑放濫害加孕婦也

二年汝南童子謝廉河南童子趙建年十三各通一經以太學  
初繕召而至皆除郎中疏勒國王盤遣使文時詣闕獻師子封  
牛

四年太尉施延以選舉貪汙策罷零陵言日食京師不覺詔曰  
朕以不德謫見于天

永和六年冬十二月詔故將軍馬賢前伐西夷克敵深入父子  
三人同命其以漢中南鄭之武陽亭封賢孫承先爲武陽亭侯  
食租稅

漢安元年以遠近獻馬衆多園廩充滿始置承華廩令秩六百  
石其九十家不自存詔賜錢廩穀案此十二字見劉昭五行志注上有闕文據志漢安元年

三月雒陽劉漢等百九十七家爲火所燒蓋一事也秋八月遣侍中杜喬光祿大夫周舉  
等八人分行州郡頒宣風化舉實臧否

二年詔禁民無得酤賣酒麴

建康元年秋八月帝崩于玉堂前殿在位十九年時年三十遺  
詔無起寢廟衣以故服珠玉玩好皆不得下務爲節約葬憲陵  
有司奏言孝順皇帝宏秉聖哲龍興統業稽乾則古欽奉鴻烈  
寬裕晏晏宣恩以極躬自菲薄以崇玄默遺詔貽約顧念萬國  
衣無製新玩好不飾塋陵損狹不起寢廟遵履前制敬敕慎終  
有始有卒孝經曰愛敬盡于事親而德教加于百姓詩云敬慎  
威儀惟民之則臣請上尊號曰敬宗廟天子世世獻奉藏主祫  
祭進武德之舞如祖宗故事露布奏可

孝冲皇帝



孝沖皇帝諱炳順帝之少子也年三歲是時皇太子數不幸國副未定有司上言宜建聖嗣建康元年夏四月立爲太子順帝崩太子卽帝位尊皇后梁氏爲皇太后帝幼弱太后臨朝永嘉元年春正月帝崩于玉堂前殿在位一年葬懷陵

### 孝質皇帝

孝質皇帝諱纘章帝玄孫千乘貞王之曾孫樂安王孫渤海王子也年八歲茂質純淑好學尊師有聞于郡國孝沖帝崩徵封建平侯卽皇帝位九江賊馬勉敗死傳勉頭及所帶玉印鹿皮冠黃衣詣雒陽詔懸夏城門外章示百姓

本初元年夏閏六月帝崩于玉堂前殿在位一年時方九歲葬靜陵

### 威宗孝桓皇帝

孝桓皇帝諱志章帝曾孫河間孝王孫蠡吾侯冀之長子也母曰偃夫人年十四襲爵始入有殊于人梁太后欲以女弟妃之本初三年四月徵詣雒陽旣至未及成禮會質帝崩無嗣太后密使瞻察威儀才明任奉宗廟遂與兄冀定策于禁中迎帝卽位時年十五太后猶臨朝御卻非殿改元建和

建和元年芝生中黃藏府

永興二年光祿勳府吏舍夜壁下忽有氣掘之得玉玦各有鉤長七寸三分玦周五寸四分身中皆有雕鏤詔司隸蝗水爲災五穀不登令所傷郡國皆種蕪菁以助民食

延熹元年初置鴻德苑

二年大將軍梁冀輔政縱橫爲亂帝與中常侍單超等五人共謀誅之于是封超等爲五侯暴恣日甚毒流天下司徒韓續司

永

永



空孫朗並坐不衛宮止長壽亭減罪一等以爵贖之初置祕書  
監掌典圖書古今文字合異同

三年白馬令李雲坐直諫誅

四年京師雨雹大如雞子

五年長沙賊攻沒蒼梧取銅虎符太守甘定刺史侯輔各奔入  
城賊乘刺史車屯據臨湘居太守舍賊萬人以上屯益陽殺長  
吏以京師水旱疫病帑藏空虛虎賁羽林不任事者住寺減半  
奉

七年冬十月上幸雲夢至新野公主壽張敬侯廟詔曰存善繼  
絕實藉德貞武騎都尉樊演高祖父重以光武皇帝元舅扶助  
中興追封壽張侯諡曰敬祖父茂封冠軍平望鄉侯五國竝建  
其二絕者祠之案新野公主光武姊元也嫁鄧晨  
詔中不及祠之之意當有關文

八年妖賊蓋登稱大皇帝有璧二十珪五鐵券十一後伏誅

九年戴異鉏田得金印到廣陵以與龍尚名臣少府李膺等竝  
為闡人所譖下獄死案膺等之死在靈帝建寧二年是時  
但以鉤黨下獄此蓋通後事言之

永康元年西河言白兔見帝好音樂善琴笙立黃老祠北宮濯  
龍中以文罽為壇飾淳金銀器彩色眩耀祠用三牲大官飾珍  
饌作倡樂以求福祥也在位二十一年崩年三十六

### 孝靈皇帝

建寧元年帝到夏門外萬壽亭羣臣謁見案此帝由解瀆亭侯  
迎入繼統初到致滯

書帝紀實是在年正月己亥  
次日庚子即位改元建寧

二年故太僕杜密故長樂少府李膺各為鉤黨尚書白下本州  
考治時上年十三問諸常侍曰何鉤黨諸常侍對曰鉤黨人即  
黨人也即可其奏



熹平元年會稽許昭聚衆自稱大將軍立父生爲越王攻破郡縣

二年陳行相師遷奏沛相魏愔前爲陳相與陳王寵交通

四年使中郎將堂谿典請雨因上言復崇高山爲嵩高山

光和元年有白衣人入德陽殿門言梁伯夏教我上殿與中黃

門桓賢語因忽不見有黑氣墮所御溫明殿庭中如車蓋隆起

奮迅五色有頭體長十餘丈形貌似龍

四年初置驂驥殿丞領受郡國調馬郡國上芝英

五年帝起四百尺觀于阿亭道

中平二年造萬金堂于西園

三年又造南宮玉堂築廣成苑鑄黃鐘二千斛懸于嘉德端門

內



東觀漢記卷三

東觀漢記卷四

年表

案本書年表體例全祖班書劉知幾史通所列篇目可據今惟百官表略存餘四篇竝闕

百官表

太尉掌邦

案此下有闕文冊皇太子捧上其璽綬

司空唐虞之官也金印紫綬

竇憲作大將軍置長史司馬員吏官屬位次太傅

案司馬彪百官志長史司

馬皆一人大將軍出征置中護軍一人其將軍不常置

案司馬彪百官志將軍

軍掌征伐背叛事訖罷安

比公者又有驃騎將軍

案司馬彪百官志注比公

者四第一大將軍次驃騎將軍

建武二十年復置驃騎將軍位次

公案司馬彪百官志明帝以東平王有長史一人

案將軍長史皆千石度

遼將軍司馬二人

案司馬彪百官志明帝初置度遼將軍秩二千石昭

史司馬章帝又置祝令丞延光元年省

案此太常官屬

冊

劉



大鴻臚漢舊官建武元年復置案司馬彪百官志大鴻臚卿一人中二千石屬官有

丞一人案司馬彪百官志大行丞一人案司馬彪百官志大行令一人六百石丞一人

大行丞有治禮員四十七人案治禮員司馬彪作治禮郎主齋祠償贊九賓

之禮又有公室主稠中都官斗食以下功次相補鴻臚三十六

人其陳寵左雄朱寵龐參施延並遷公

其主薨無子置傅一人守其家案司馬彪百官志諸公主每主家令一人六百石丞一人三百

石此宗正官屬

桓帝延熹元年三月己酉置鴻德苑置令秩六百石案此少府官屬

州牧刺史漢舊官建武元年復置牧十八年改為刺史督二千

石交趾刺史持節案司馬彪百官志外十有二州每州刺史一

部郡國錄囚徒攷殿最攷諸州刺史皆不持節而交趾獨持節以所部絕遠故重其事權也以上州部官

其紹封削絀者中尉內史官屬亦以率減案司馬彪百官志皇

國置傅一人相一人皆二千石中尉一人比二千石其下又有郎中令之屬以上諸王國官屬

印綬漢制公侯紫綬九卿青綬建武元年復設諸侯王金璽緹

綬公侯金印紫綬九卿執金吾河南尹秩皆中二千石大長秋

將作大匠度遼諸將軍郡太守國傅相皆秩二千石校尉中郎

將諸郡都尉諸國行相中尉內史中護軍司直案司馬彪百官志注世祖即位

以武帝故事置司直居丞相府秩皆比二千石以上皆銀印青

綬中外官尚書令御史中丞治書侍御史案司馬彪百官志治書侍御史六百石與

此公將軍長史中二千石丞案司馬彪百官志凡中二正平諸

司馬中官王家僕雜陽令秩皆千石尚書中謁者案司馬彪百

之屬有中官謁者令一人六百石黃門冗從四僕射案司馬彪

謁者三人四百石此文疑有脫字長秋屬又有中黃門冗從僕射一人又有尚書僕射一人案司馬彪

府屬有中黃門冗從僕射一人又有尚書僕射一人諸都監

中外諸都官令都候案司馬彪百官志衛尉屬司農部丞郡國



長史丞案司馬彪百官志每郡丞一人郡當邊戍者丞為長史候司馬千人秩皆六百石

家令侍僕秩皆六百石雒陽市長秩四百石主家長秩皆四百

石以上皆銅印黑綬諸署長楫權丞秩三百石諸秩千石者其

丞尉皆秩四百石秩六百石者丞尉秩三百石四百石者其丞

尉秩二百石縣國丞尉亦如之縣國三百石長丞尉亦二百石

明堂靈臺丞諸陵校長秩二百石丞尉校長以上皆銅印黃綬

縣國守宮令相或千石或六百石長相或四百石或三百石長

相皆以銅印黃綬而有秩者案司馬彪百官志每縣邑道大者置令一人千石其次置長四百石

小者置長三百石侯國之相秩次亦如之侍中中常侍光祿大夫秩皆二千石案司馬彪百官志侍中光祿大夫皆比二千石中常侍本千石後增比二千石與此異大中大夫秩皆比二千

石諫議大夫侍御史博士皆六百石議郎中謁者秩皆比六百

石案司馬彪百官志議郎六百石與此異中謁者已見前稱秩六百石此謂比六百石尤自相違戾小黃門黃

門侍郎中黃門秩皆比四百石案司馬彪百官志小黃門侍郎皆六百石中黃門比百石後增

比三百石郎中秩皆比三百石太子舍人秩二百石案劉知幾史通謂此表為崔寔

曹壽延篤所作今與司馬彪百官志參攷文多不同如志云諸侯王赤綬而此云緌綬又如王國內史上林楫權丞係西漢官

名東漢多從裁省丞相司直亦于建武十八年省去而篇中具列之蓋司馬彪之志本之胡廣所注王隆漢官篇多順帝以後

所更改而此表則述建武永平間舊制也

諸王表

王子侯表

功臣表

恩澤侯表案以上四篇全關今存其目

已



東觀漢記卷四

東觀漢記卷五

志案本書入志以劉知幾史通及范書李賢注所引蔡邕集為據今惟地理等六篇略存餘二篇竝闕

地理志

蕭何墓在長陵東司馬門道北百步案長陵屬京兆尹霍光墓在茂陵

東司馬門道南四里案茂陵屬右扶風以

蛇丘有芳陘山案蛇丘屬濟北國

東緡縣名屬山陽郡案以上兗州刺史部所屬

西海有勝山案西海縣屬瑯琊國以

秦時改為太末案太末縣屬會稽郡此句之上當有關文攷有

龍丘山在東有九石特秀色丹遠望如蓮華萋之隱處有一巖

穴如窗牖中有石牀可寢處案司馬彪郡國志劉昭注引東陽

桃樹其實甚甘非山中自有莫知誰植

劉

上 幾

巳



建安二十年復置漢寧郡分漢中之安陽西城案司馬彪郡國志劉昭注西城下曰巴漢志云漢末以爲西城郡不言屬漢寧又分錫上庸爲上庸郡置都尉案以上史部所屬益州刺

安帝卽位之年分高顯侯城遼陽屬玄菟案司馬彪郡國志高顯等三縣本屬遼東郡以上幽州刺史部所屬

九真俗燒草種田案司馬彪郡國志九真郡統縣五日西卷朱吾盧容象林比景以上交趾刺史部所屬

永興元年鄉三千六百八十一亭萬二千四百四十三

律歷志

凡律所革以變律呂相生至六十

禮志

漢承秦滅學庶事草創明堂辟雍闕而未舉武帝封禪始立明堂于泰山案歐陽詢藝文類聚作孝武封岱宗立明堂于泰山汶上猶不于京師元始中王

莽輔政乃起明堂辟雍

樂志

漢樂四品一曰大予樂典郊廟上陵殿諸食舉之樂郊樂易所謂先王以作樂崇德殷薦上帝周官若樂六變則天神皆降可得而禮也宗廟樂虞書所謂琴瑟以詠祖考來假詩云肅雍和鳴先祖是聽食舉樂王制謂天子食舉以樂周官王大食則命奏鐘鼓二曰周頌雅樂典辟雍饗射六宗社稷之樂辟雍饗射孝經所謂移風易俗莫善于樂禮記曰揖讓而治天下者禮樂之謂也社稷所謂琴瑟擊鼓以御田祖者也禮記曰夫樂施于金石越于聲音用乎宗廟社稷繫乎山川鬼神此之謂也三曰黃門鼓吹天子所以宴樂羣臣詩所謂坎坎鼓我蹲蹲舞我者也其短簫鐃歌軍樂也其傳曰黃帝岐伯所作以建威揚德風



勸士也蓋周官所謂王大獻則令凱樂軍大獻則令凱歌也孝章皇帝親著歌詩四章列在食舉又制雲臺十二門詩各以其月祀而奏之熹平四年正月中出雲臺十二門新詩下大予樂官習誦彼聲與舊詩並行者皆當撰錄以成樂志國家離亂大厦未安黃門舊有鼓吹今宜罷去

郊祀志

建武三十年太尉趙熹上言曰自古帝王每世之隆未嘗不封禪陛下聖德洋溢順天行誅撥亂中興作民父母修復宗廟救萬姓命黎庶賴福海內清平功成治定羣司禮官咸以為宜登封告成爲民報德百王所同當仁不讓宜登封岱宗正三雍之禮以明靈契望秩羣神以承天心案司馬彪祭祀志載光武詔書云卽位三十年百姓怨氣滿腹吾誰欺欺天乎會謂泰山不如林放何事汙七十二代之編錄桓公欲封管仲非之若郡縣遠遣吏上壽盛稱虛美必髡

賴

兼令屯田從此羣臣不敢復言

三十二年

案是年改元中元元年

羣臣奏言登封告成爲民報德百王所

同陛下輒拒絕不許臣下不敢頌功述德業謹按河雒讖書赤

漢九世當巡封泰山凡三十六事傳奏左帷陛下遂以仲月令

辰遵岱嶽之正禮奉圖雒之明文以和靈瑞以爲兆民上曰至

泰山乃復議國家德薄災異仍至圖讖蓋如此

案司馬彪祭祀志三十二年正

月上齋夜讀河圖會昌符曰赤劉之九會命岱宗不克用何益于承誠善用之姦僞不萌感此文乃詔松等復案索河雒讖文言九世封禪事者松等列奏乃許焉上東巡狩至泰山有司復奏河雒圖記表

章赤漢九世尤著明者前後凡三十六事與博士充等議以爲

殷統未絕黎庶繼命高宗久勞猶爲中興武王因父受命之列

據三代郊天

案二句疑有脫誤因孔子甚美其功後世謂之聖王漢統

中絕王莽盜位一民莫非其臣尺土靡不其有宗廟不祀十有

慎夜昌曰劉

用

莽



胡王

八年陛下無十室之資奮振于匹夫除殘去賊興復祖宗集就天下海內治平夷狄慕義功德盛于高宗宣王宜封禪為百姓祈福請親定刻石紀號文太常奏儀制詔曰在昔小白欲封夷吾難之季氏欲旅仲尼非焉蓋齊諸侯季氏大夫皆無事于泰山今予末小子巡祭封禪德薄而任重一則以喜一則以懼喜于得承鴻業帝堯善及子孫之餘賞蓋應圖籙當得是懼于過差執德不弘信道不篤為議者所誘進後世知吾罪深矣案范武紀中元元年二月己卯幸魯進幸泰山辛卯柴望岱宗登封泰山甲午禪于梁父攷司馬彪祭祀志辛卯二十一日甲午二十

明帝宗祀五帝于明堂光武皇帝配之案司馬彪祭祀志永平二年始行此禮以上明

孝成時匡衡奏立北郊復祠六宗至建武都雒陽制郊祀六宗

司

社劉

莽

災丘用

廢不血食大臣上疏謂宜復舊上從公卿議由是遂祭六宗案馬彪祭祀志安帝元初六年以尚書歐陽家說謂六宗者在天地四方之中為上下四方之宗三月庚辰初更立六宗祠于雒陽西北戌亥之地祀比大社劉昭注引李氏家書云司空李卻侍祠不見六宗祠奏曰尚書肆類于上帝禮于六宗六宗上不及天下不及地旁不及四方在六合之中助陰陽化成萬物漢初甘泉汾陰祀天地亦禮六宗孝成時匡衡奏復南北郊祀復祀六宗及王莽謂六宗即易六子建武制祀六宗廢不血食宜復舊制詔下公卿議議可者三十六人議不可者二十四人上從卻議以上六宗

章帝元和二年詔曰經稱秩元祀咸秩無文祭法功施于民則祀之以死勤事則祀之以勞定國則祀之能禦大災則祀之以

日月星辰民所瞻仰也山林川谷丘陵民所取財用也非此族也不在祀典傳曰聖王先成民而後致力于神又曰山川之神則水旱癘瘦之災于是乎禱之日月星辰之神則雪霜風雨之不時于是乎禱之孝文十二年令曰比年五穀不登欲有以增



祇

諸神之祀王制曰山川神祇有不舉者為不敬今恐山川百神  
 應典祀者尙未盡秩其議增修羣祀宜享祀者以祈豐年以致  
 嘉福以蕃兆民詩不云乎懷柔百神及河喬嶽有年報功不私  
 幸望豈嫌同辭其義一焉案是時章帝將東巡狩故有是詔以上羣祀  
 永平三年八月丁卯公卿奏議世祖廟登歌八佾舞功名案功字疑  
 衍東平王蒼議以為漢制舊典宗廟各奏其樂不皆相襲以明  
 功德秦為無道殘賊百姓高皇帝受命誅暴元元各得其所萬  
 國咸熙作武德之舞孝文皇帝躬行節儉除誹謗去肉刑澤施  
 四海孝景皇帝制昭德之舞孝武皇帝功德茂盛威震海外開  
 地置郡傳之無窮孝宣皇帝制盛德之舞光武皇帝受命中興  
 撥亂反正武暢方外震服百蠻戎狄奉貢宇內治平登封告成  
 脩建三雍肅穆典祀功德巍巍比隆前代以兵平亂武功盛大

周

用

劉

歌所以詠德舞所以象功世祖廟樂名宜曰大武之舞元命包  
 曰緣天地之所雜樂為之文典文王之時民樂其興師征伐而  
 詩人稱其武功樞機鈴曰有帝漢出德洽作樂各與虞韶禹夏  
 湯濩周武無異不宜以名舞叶圖徵曰大樂必易詩傳曰頌言  
 成也一章成篇宜列德故登歌清廟一章也漢書曰百官頌所  
 登御者一章十四句依書文始五行武德昭德盛德修之舞節  
 損益前後之宜六十四節為武曲副八佾之數十月烝祭始御  
 用其文始五行之舞如故勿進武德舞歌詩曰於穆世廟肅雍  
 顯清俊又翼翼秉文之成越序上帝駿奔來寧建立三雍封禪  
 泰山章明圖讖放唐之文休矣惟德罔射協同本支百世永保  
 厥功詔書曰驃騎將軍議可進武德之舞如故案司馬彪祭祀志劉昭注引蔡邕表志云孝明立世祖廟以明再受命祖有功之義後嗣遵儉不復改立皆藏主其中聖明所制一王之法也自執事之吏下



憲

延

至學士莫能知其所以兩廟之意誠宜具錄本事建武乙未  
 元和丙寅詔書下宗廟儀及齋令宜入郊祀志永為典式  
 章帝初即位賜東平憲王蒼書曰朕夙夜伏思念先帝躬履九  
 德對於八政勞謙克己終始之度比放三宗誠有其美今追遺  
 詔誠不起寢廟臣子悲結僉以為雖于更衣猶宜有所宗之號  
 以克配功德宗廟至重朕幼無知寤寐憂懼先帝每有著述典  
 義之事未嘗不延問王以定厥中願王悉明處乃敢安之公卿  
 議駁今皆并送及有可以持危扶顛宜勿隱思有所承公無困  
 我太尉熹等奏禮祖有功宗有德孝明皇帝功德茂盛宜上尊  
 號曰顯宗四時祫食于世祖廟如孝文皇帝在高廟之禮奏武  
 德文始五行之舞蒼上言昔者孝文廟樂曰昭德之舞孝武廟  
 樂曰盛德之舞今皆祫食于高廟昭德盛德之舞不進與高廟  
 同樂今孝明皇帝主在世祖廟當同樂盛德之樂無所施如自

陋

立廟當作舞樂者不當與世祖廟盛德之舞同名案前文東平  
祖廟舞為大武詔仍進武德之舞 即不改作舞樂當進武德之  
無盛德舞之名此句疑有訛舛 舞臣愚慙鄙陋廟堂之論誠非所當聞所宜言陛下體純德之  
 妙奮至謙之意猥歸美于載列之臣故不敢隱蔽愚情披露腹  
 心誠知愚鄙之言不可以向仰四門賓于之議伏惟陛下以至  
 德當成康之隆天下又安刑措之時也陛下盛歌元首之德股  
 肱貞良庶事寧康臣欽仰聖化嘉羨盛德危顛之備非所宜稱  
 上復報曰有司奏上尊號曰顯宗藏主更衣不敢違詔祫食世  
 祖廟樂皆如王議以正月十八日始祠仰見榱桷俯視几筵眇  
 眇小子哀懼戰慄無所奉承愛而勞之所望于王也案范書明  
帝紀帝遣

詔無起寢廟藏主于光烈皇后更衣別室又章帝紀帝即位有  
 司奏言孝明皇帝聖德淳茂宜尊廟曰顯宗其四時禘祫于光武  
 之堂間祀悉還更衣共進武德之舞  
 如孝文皇帝祫祭高廟故事制曰可

開



++  
++  
++  
++  
++  
劉

建初四年八月上以公卿所奏明德皇后在世祖廟坐位駁議  
示東平憲王蒼蒼上言文武宣元祿食高廟皆以后配先帝所  
制典法設張大雅曰昭茲來許繩其祖武又曰不愆不忘率由  
舊章明德皇后宜配孝明皇帝案范書章帝紀建初三年六月  
戊葬明德皇太后此則葬後議附廟也司馬彪祭志劉昭注  
引謝沈書一段與此同未有與世祖廟同席而供饌句尤為完  
密

永初六年皇太后入宗廟于世祖廟與皇帝交獻薦如光烈皇  
后故事案此和熹鄧皇后也攷范書安  
帝紀在永初七年以上宗廟

天子行有單罕

永平二年正月公卿議舉南北郊東平王蒼議曰孔子曰行夏  
之時乘殷之輅服周之冕為漢制法高皇帝始受命創業制長

車服志

冠以入宗廟光武受命中興建明堂立辟雍陛下以聖明奉遵  
以禮服龍袞祭五帝禮缺樂崩久無祭天地冕服之制案尊事  
神祇潔齋盛服敬之至也日月星辰山龍華藻天王袞冕十有  
二旒以則天數旂有龍章日月以備其文今祭明堂宗廟圓以  
法天方以則地服以華文象其物宜以降神明肅雝備思博其  
類也天地之祀冕冠裳衣宜如明堂之制案司馬彪輿服志漢  
以衿立至顯宗初服旒冕衣裳文章赤  
烏絢履以祠天地其議實自東平發之

武冠俗謂之大冠案司馬彪輿服志武冠環纓無鞬以青系為  
緄加雙鷩尾豎左右亦名鷩冠五中郎將羽  
林左右監虎賁  
武騎皆冠之

貴人相國綠綬三采綠紫白案司馬彪輿服  
志作綠紫紺

純綠圭公卿將軍

紫綬二采紫白純紫圭公主封君同九卿中二千石青綬三采

青白紅純青圭千石六百石黑綬二采青紺案司馬彪輿服志  
作三采青赤紺



純青圭四百三百二百石黃綬純黃圭一采百石青紺綬一采宛轉繆織

孝明帝作蠙珠之佩以郊祀天地案以上皆志冠服其車輿闕

朝會志

天文志案此二篇全闕今存其目

東觀漢記卷五

東觀漢記卷六

列傳一外戚

光烈陰皇后

有陰子公者生子方方生幼公公生君孟名睦卽后之父也初光武適新野聞陰后美心悅之後至長安見執金吾車騎甚盛因曰仕宦當作執金吾娶妻當得陰麗華更始元年遂納后于宛上卽位立爲貴人上以后性賢仁宥母天下欲授以尊位后輒退讓自陳不足以當大位案范書后紀建武二年后固廢郭后而立后

明德馬皇后

明德皇后嘗久病至卜者家爲卦問咎祟所在卜者卦定釋著仰天歎問之卜者乃曰此女雖年少後必將貴遂爲帝妃不可

歎



眉

言也后長七尺二寸青白色方口美髮為四起大髻但以髮成  
尚有餘繞髻三匝不施黛獨左眉角小缺補之如粟當稱疾  
而終身得意永平三年有司奏立長秋宮以率八妾上未有所  
言皇太后曰馬貴人德冠後宮遂登至尊先是數日夢有小飛  
蟲萬數隨著身入皮膚中復飛去既處椒房大官上食重加幕  
覆輒撤去不喜出入遊觀希嘗臨御臆望袍極麤疏諸主朝望  
見反以為綺后曰此繒染色好故直用之后嘗有不安時在敬  
法殿東廂上令太夫人及兄弟得入見后志在克己輔上不以  
私家干朝廷兄為虎賁中郎將為黃門郎訖永平世不遷案以  
帝時事時上欲封諸舅外間白太后太后曰吾自念親屬皆無柱  
石之功俗語曰時無赭澆黃土因詔曰吾萬乘之主身衣大練  
縑裙食不求所甘左右旁人皆無薰香之飾前過濯龍門見外

乙

閒

勿

家問起居車如流水馬如遊龍亦不譴怒但絕歲用冀以默止  
謹耳案此下章及上欲封諸舅太后輒斷絕曰吾計之熟矣  
有疑也至孝之行安親為上今遭變異穀價數倍憂惶晝夜不  
安坐臥而欲封爵違逆慈母之拳拳吾素剛急有胷中氣不可  
不慎穰歲之後惟子之志吾但當含飴弄孫不能復知政事太  
后素謹慎小感慨輒自責如平生事舅姑時新平主家御者失  
火及北閣後殿深以自過起居不欣至正月當上原陵言我守  
備不精慙見原陵不上太后置蠶室織室于濯龍中數往來觀  
視以為娛樂廣平鉅鹿樂成王在邸入朝問起居上望見車騎  
鞍勒皆純黑無金銀采飾馬不踰六尺于是白太后即賜錢各  
五百萬太后詔書流布咸稱至德莫敢犯禁

敬隱宋皇后



敬范莽

養

貴

敬隱宋后案范書安帝紀建光元年追尊祖妣宋貴人為敬隱皇后以王莽末年生遭世倉卒其母不舉棄之南山下時天寒冬十一月再宿不死外家出過于道南聞有兒啼聲憐之因往就視有飛鳥紆翼覆之沙石滿其口鼻能喘心怪偉之以有神靈遂取而持歸養長至年十三歲乃以歸宋氏案范書清河孝王慶傳后宋昌八世孫父揚母王氏永平末入太子宮甚有寵肅宗即位為貴人生慶立為皇太子慶旋以讓廢貴人自殺後殤帝崩立慶長子祐為嗣是為安帝時寶皇后內寵方盛以案人名族節操高妙心內害之欲為萬世長計陰設方略讒毀貴人由是母子見疏數月誣奏貴人使婢為蠱道祝詛七年遂被譖暴卒

孝和陰皇后

孝和陰皇后聰慧敏達有才能善史書永元二年選入掖庭為貴人託以先后近屬故有寵

和熹鄧皇后

后年五歲太夫人為剪髮夫人年高目冥并中后額雖痛忍不言一額盡傷左右怪而問之后言夫人哀我為斷髮難傷老人意故忍之耳六歲諸兄持后髮后曰身體髮膚受之父母不敢毀傷孝之始也奈何弄人髮乎七歲讀論語志在書傳母常非之曰當習女工今不是務寧當學博士耶后重違母意晝則縫紉夜私買脂燭讀經傳宗族外內皆號曰諸生嘗夢們天體蕩蕩正青滑有若鍾乳后仰喻之以訊占夢言堯夢攀天而上湯夢及天舐之此皆聖王之夢吉不可言案范書后紀后以永元八年冬選入掖庭為貴人后遜位手書謝表深陳德薄不足以奉宗廟充小君之位案

太后賜馮貴人步搖一具案范書后紀和帝葬後官時新遭

志小捫



羊

耳

大憂法禁未設宮中亡大珠一篋主名不立念欲考問必有不  
 辜太后乃親自臨見宮人一一問閱察其顏色開示恩信宮人  
 盜者即時首服不加鞭箠不敢隱情宮人驚咸稱神明太后臨  
 朝萬國貢獻悉令禁絕歲時但貢紙墨而已上林鷹犬悉斥放  
 之案以上殤帝延平元年事永初二年案此下安三月京師旱至五月朔太  
 后幸洛陽寺省庶獄舉冤囚杜令不殺人自誣被掠羸困便輿  
 見畏吏不敢自理吏將去微疾舉頸若欲有言太后察視覺之  
 即呼還問狀遂得申理即時收令下獄抵罪尹左遷行未還宮  
 澍雨大降太后雅性不好淫祀嘗不安左右憂惶至今禱祠願  
 以身代牲太后聞之甚怒即敕令禁止以為何故乃有此不祥  
 之言左右咸流涕嘆息曰太后臨大病不自顧而念兆民後病  
 遂瘳豈非天地之應歟太后自遭大憂及新野君仍喪諸兄常

慕

悲傷思慕羸瘦骨立不能自勝案范書后紀后以永寧二年三月崩

順烈梁皇后

永建三年春三月丙申選入掖庭相工茅通見之案茅通歐陽詢藝文類聚  
作萊矍然驚駭卻再拜賀曰此謂日角偃月相之極貴臣所未  
 嘗見也太史卜之兆得壽房又筮之得坤之比順帝陽嘉元年  
 立為皇后是時自冬至春不雨立后之日嘉澍沾渥

寶貴人

寶章女年十二能屬文以才貌選掖庭有寵與梁皇后並為貴  
 人早卒帝追思之詔史官樹碑頌德帝自為之詞案范書寶章傳及太平御覽帝竝

覽帝竝作章

孝崇匱皇后

申貴人生孝穆皇案孝穆皇即章帝子河間孝王開也開生蠡吾侯翼翼生桓帝帝即位追尊河間孝王為

寶貴

開



孝穆皇蠡吾侯為孝崇皇趙夫人生孝崇皇偃夫人生桓帝帝既立追諡趙夫人為穆皇后偃夫人為博園貴人和平元年桓帝詔曰博園偃貴人履高明之懿德資淑美之嘉會與天合靈篤生朕躬欲報之德詩所感歎今以貴人為孝崇皇后

孝桓帝鄧皇后

孝桓帝鄧后字猛案范書后紀后諱猛女父香早死母宣改嫁為掖庭民梁紀妻紀者襄成縣君孫壽之舅也壽引進令入掖庭得寵為貴人故冒姓為梁氏

東觀漢記卷六終

東觀漢記卷七

列傳二 宗室

齊武王續

續字伯升案續光武兄攷范書本傳及太平御覽各書俱稱伯升當是以字行伯升進圍宛莽素

震其名大懼使畫伯升像于墀且起射之平陵後部攻新野不

下宰潘臨登城言曰得司徒劉公一言願先下及伯升軍至即

開門降伯升作攻城鬪車上曰地車不可用誰當獨居此上者

伯升曰此兵法也上曰兵法但有所圖畫者實不可用伯升遂

作之後有司馬犯軍令當斬坐鬪車上更始遂共謀誅伯升案

上有闕文攷范書本傳伯升拔宛光武破王尋王邑自是兄弟威名益盛更始君臣不自安遂共謀誅伯升乃大會

諸將以成其計更始取伯升寶劍視之繡衣御史申屠建隨獻

玉玦更始竟不能發伯升部將宗人劉稷數陷陣潰圍勇冠三



孤

軍聞更始立怒曰本起兵圖大事者伯升兄弟更始何為者更始聞而心忌之以稷為抗威將軍稷不肖拜更始乃收稷將誅之伯升固爭并執伯升即日害之有二子建武二年立長子章為太原王興為魯王十一年徙章為齊王十五年追諡伯升為齊武王章少孤光武感伯升功業不就撫育恩養甚篤以其少貴欲令親吏事故試守平陰令

北海靖王興

興遷弘農太守

案興續子范書本傳興初封魯縣吏張申有伏

罪興收申案論郡中震慄時年旱分遣文學循行屬縣理冤獄宥小過應時甘雨澍降每朝廷有異政京師雨澤秋稼好醜輒驛馬下問興其見親重如此

北海敬王睦

北海敬王睦

案睦

顯宗之在東宮尤見幸而睦謙恭好士名儒

宿德莫不造門

案姚之駟本作時法網尚疏睦好士夙夜滋恭通賓客千里人民土地財賄結歡由是宿德名

儒造門者陸沈

永平中法憲頗峻睦乃謝絕賓客放心音樂歲終遣中

大夫奉璧朝賀召而謂曰朝廷設問寡人大夫將何辭以對使者曰大王忠孝慈仁敬賢樂士臣雖螻蟻敢不以實睦曰吁子危我哉是吾幼時狂蠢之行也

案范書本傳狂蠢作進趣

大夫其對以孤襲

爵以來志意衰惰聲色是娛犬馬是好使者受命而行睦善草書臨病明帝驛馬令作草書尺牘十首焉

趙孝王良

光武初起兵良搏手大呼曰我欲詣納言嚴將軍叱上起去出閣令人視之還白方坐陷脯良復譴呼上言不可謹露明且欲去前白良曰欲竟何時詣嚴將軍所良意下曰我為詐汝耳當



復何苦乎

案良光武叔父范書本傳良字次伯初封廣陽王

建武五年徙為趙王裔孫乾嗣位私

出國到魏郡鄴易陽止宿亭令奴金盜取亭席金與亭佐孟常爭言以刃傷常部吏追逐乾藏逃金絞殺之懸其尸道邊樹相

國舉奏詔書削中丘縣

弘

案弘光武族諸父行史無追封之爵故著其名字孺孫先起義兵卒

梁

梁案梁弘弟字季少病筋攣卒

城陽恭王祉

城陽恭王初名終後改為祉

案祉光武族兄范書本傳祉字巨伯

父敞敞曾祖節

侯買以長沙定王子封于零道之春陵為侯敞父仁嗣侯

案李善文

選注節侯生戴侯戴侯生考侯考侯即仁也

以春陵地勢下濕有山林毒氣難以久

溼

處于時見戶四百七十六上書求減邑內徙畱子男昌守墳墓

元帝許之初元四年徙南陽之白水鄉猶以春陵為國名仁卒

敞謙儉好義推父時金寶財產與昆弟荆州刺史上其義行拜

廬江都尉歲餘遭旱行縣人持枯稻自言稻皆枯吏強責租敞

應曰太守事也載枯稻至太守所酒數行以語太守太守曰無

有敞以枯稻示之太守曰都尉事也敞怒叱太守曰鼠子何敢

爾刺史舉奏莽徵到長安免就國敞為嫡子終

案終即祉也

娶翟宣

子女習為妻宣使嫡子姬送女入門二十餘日宣弟義起兵攻

莽祉以建武二年三月見光武于懷宮

案范書本傳祉建武二年封城陽王

東海恭王彊

案以下光武諸子

東海恭王彊光武皇帝長子也母郭氏建武二年六月立為皇

太子十七年十月郭后廢為中山太后自郭后廢彊不自安田

因

因



左右陳誠願備藩輔十九年六月彊廢爲東海王二十八年十月就國王兼食東海魯國二郡二十九縣租入倍諸王賞賜恩寵絕於倫比置虎賁髦頭宮殿設鐘簷之懸擬于乘輿彊性明達恭謹臨之國數上書讓還東海十九縣又因皇太子固辭上不許以彊章宣示公卿大夫甚嘉歎之彊薨明帝發魯相所上檄下牀伏地舉聲盡哀至長樂宮白太后因出幸津門亭發喪追念彊雅性恭儉不欲令厚葬以違其意詔中常侍杜岑東海傅相曰王恭遜好禮以德自終敕官屬遣送務行約省茅車瓦器以成王志王孫頃王肅性謙儉永初中以西羌未平上錢二千萬元初中上縑萬匹以助國費

沛獻王輔

沛獻王輔善京氏易永平五年秋京師少雨上御雲臺召尙席

取卦具自爲卦以周易卦林卜之其繇曰蟻封穴戶大雨將集明日大雨上卽以詔書問輔曰道豈有是耶輔上書曰案易卦震之蹇蟻封穴戶大雨將集蹇艮下坎上艮爲山坎爲水山出雲爲雨蟻穴居而知雨將雲雨蟻封穴故以蟻爲興文詔報曰善哉王次序之沛王楚王來朝就國明帝告諸王傅相王之子年五歲以上皆命帶列侯綬復送綬十九枚爲諸子在道欲急帶之也王性好經書論集經傳圖讖作五經通論奉藩以至沒身遵履法度未嘗犯禁稱爲賢王

徙封沛王

楚王英

楚王英

案范書本傳英初封楚公建武十七年進爲王永平十四年謀反自殺國除

奉送黃縑三十

五匹白紵五匹入贖楚相以聞詔書還入贖縑紵以助伊蒲塞



桑門之盛饌

案范書本傳永平八年詔令天下死罪皆入縑贖故英奉縑紈贖罪

濟南安王康

濟南安王康

案范書本傳康初封濟南公建武十七年進為王

多殖財貨大修宮室起

內第奴婢至千四百人廩馬千二百匹私田八百頃奢侈恣欲游觀無節

東平憲王蒼

東平王蒼

案范書本傳蒼初封東平公建武十七年進為王

少好經書雅有智慧少有

孝友之質寬仁弘雅明帝即位詔曰東平王蒼寬博有謀可以託六尺之孤臨大節而不可奪其以蒼為驃騎將軍位在三公上是時四方無虞蒼以天下化平宜修禮樂乃與公卿共議定南北郊冠冕車服制度及祖廟登歌八佾舞數蒼以親輔政盡心王室每有議事上未嘗不見從名稱日重蒼開東閣延英雄

孤心

己

己

上書表薦賢士左馮翊桓虞等虛已禮下與參政事上愛重蒼嘗問蒼曰在家何業最樂蒼對曰為善最樂上嗟歎之蒼與諸王朝京師月餘還上臨送歸宮悽然懷思乃遣使手詔諸國曰辭別之後獨坐不樂因就車歸伏軾而吟瞻望永懷實勞我心誦及采菽以增歎息詔問東平王處家何等最樂王對曰為善最樂其言甚大副其要腹蒼體大美鬚眉要帶八尺二寸上所自作光武皇帝本紀示蒼蒼因上世祖受命中興頌上甚善之以問校書郎此與誰等皆言類揚雄相如前世史岑之比章帝建初三年賜蒼書曰歲月驚邁山陵浸遠孤心慘愴饗衛士于南宮因過按行閱視皇太后舊時衣物惟王孝友之德今以光烈皇后假髻帛巾各一衣一篋遺王可時瞻視以慰凱風寒泉之思今魯國孔氏尚有仲尼車與冠履明德盛者光靈遠也



聞武帝歌天馬洽赤汗今親見其然血從前膊上小孔中出案書本傳并遺宛馬一匹故賜書及此上下文闕四年蒼上疏願朝上以王觸寒涉道使中謁者賜乘輿貂裘蒼到洛陽使鴻臚持節郊迎引入不在贊拜之位升殿乃拜上親答拜蒼上疏曰事過典故諸王歸國上特畱蒼賜以秘書列圖道術祕方至八月飲耐畢大鴻臚奏遣發乃許之手詔賜蒼曰骨肉天性誠不以遠近親疎然數見顏色情重昔時中心戀戀惻然不能言於是車駕祖送流涕而訣復賜乘輿服御珍寶鞍馬錢布以億萬計蒼到國後病水氣喘逆上遣太醫丞相視之小黃門侍疾置驛馬傳起居以千里為程案范書本傳薨于建初八年蒼葬上詔有司加贈鑾輅乘馬龍旂九旒虎賁百人以上幸東平祭東平王墓云思其人到其鄉其處在其人亡

阜陵質王延

阜陵質王延案范書本傳延初封淮陽公進為王永平中徙封阜陵王在國驕泰淫泆

廣陵思王荆

廣陵王荆案范書本傳荆初封山陽公進為王永平初徙封廣陵王自殺案范書明帝紀及本傳此永平十年逆祝詛請誅故也

中山簡王焉

焉案范書本傳焉初封左馮翊公進為王建武三十年徙封中山王以郭太后少子獨畱京師

琅邪孝王京

琅邪孝王京案范書本傳京初封琅邪公建武十七年進為王就國都雅好宮室窮極技巧壁帶珠玉案虞世南北堂書鈔作殿館壁帶飾以金銀光烈皇后崩明帝悉以太后所遺金寶賜京

彭城靖王恭

案以下明帝諸子



永平九年恭未有國邑賜號靈壽王案范書本傳恭初封鉅鹿王後累徙江陵六安章帝崩遺詔徙封彭城王恭子男丁前妻物故案范書本傳李賢注無妻字子醜侮慢丁小

妻恭怒閉醜馬廐醜亡夜詣彭城縣欲上書恭遣從官蒼頭曉令歸數責之乃自殺元初五年封恭少子丙為都鄉侯國為安

鄉侯丁為魯陽鄉侯本初元年封恭孫據下亭侯光昭陽亭侯固公梁亭侯與蒲亭侯延昌城亭侯祀梁父亭侯堅西安亭侯

代林亭侯

樂成靖王黨

樂成靖王黨案范書本傳黨初賜號重熹王永平十五年封樂成王善史書喜正文字

樂成王萇案范書黨傳黨傳國至其孫而絕安帝永寧元年以濟北惠王子萇紹封

安帝詔曰樂成王居諒闇衰服在身彈棊為戲不肖謁陵

下邳惠王衍

和帝賜彭城靖王詔曰皇帝問彭城王始夏無恙蓋聞堯舜九

族萬國協和書典之所美也下邳王案范書本傳永平十五年封被病沈滯

之疾昏亂不明家用不寧姬妾嫡庶諸子分爭紛紛至今前太

子邛頑凶失道陷于大辟是後諸子更相誣告迄今嫡嗣未知

所定朕甚傷之惟王與下邳王恩義至親正此國嗣非王而誰

禮重嫡庶之序春秋之義大居正孔子曰惟仁者能好人能惡

人貴仁者所好惡得其中也太子國之儲嗣可不慎與王其差

次下邳諸子可為太子者上名將及景風拜授印綬焉案范書本傳衍

病荒忽而太子邛有罪廢諸姬爭欲立子為嗣連上書相告言和帝憐之使彭城靖王恭至下邳為正其嫡庶故有是詔後遂

立子成

皇

孝德案范書本傳皇即章帝子清河孝王慶也初為皇太子

子祐入嗣大統是為安帝安帝建光元年追尊為孝德皇



永元四年上移幸北宮章德殿講白虎觀慶得入省宿止

平原懷王勝案勝和帝長子

平原王葬案范書本傳勝少有痼疾延平元年封立八年薨葬于京師 鄧太后悲傷命史官

述其行迹為作傳誄藏于王府

東觀漢記卷七終

東觀漢記卷八

列傳三案本書列傳自外戚宗室外一以時代先後編之略依官秩崇卑為次而隱逸方技殿焉

鄧禹

鄧禹字仲華南陽人也年十三能誦詩受業長安時光武亦遊學京師禹雖幼而見上知非常人遂相親附更始既至雒陽乃以上為大司馬使安集河北禹聞之自南陽發北徑渡河追至鄴謁上見之甚歡謂曰我得拜除長吏生遠來寧欲仕耶禹曰不願也乃進說曰更始雖都關西今山東未安赤眉青犢之屬動以萬數三輔假號往往羣聚更始既未有所挫而不自聽斷諸將皆庸人崛起志在財幣爭用威力朝夕自快非有忠良明智深慮遠圖欲尊主安民者也明公雖建蕃輔之功猶恐無所成立于今之計莫如延攬英雄務悅民心立高祖之業救萬民

威  
逸

志



之命以公而慮天下不足定也上大悅因令左右號禹曰鄧將軍常宿止於中與定計議上至廣阿案是時光武因擊王郎至此止城門樓

上披輿地圖指示禹曰天下郡國如是我乃始得一處卿言天下不足定何也案此下有闕文攷范書本傳禹對曰方今天下

德薄厚不禹破邯鄲誅王郎有智謀諸將鮮及拜前將軍禹為

大司徒案范書本傳赤眉西入關乃拜禹為前將軍討制曰前

將軍鄧禹深執忠孝與朕謀謨帷幄孔子曰自吾有回也門人

益親可封禹為鄴侯赤眉入長安禹乘勝獨克而師行有紀皆

望風相攜以迎降者日以千數眾號百萬上以禹不時進敕曰

司徒堯也赤眉桀也今長安饑民孰不延望馮愔反禹征之為

愔所敗威稍損又乏食赤眉還入長安禹與戰敗走至高陵軍

士饑餓皆食棗菜案棗菜一作棗上乃徵禹還敕曰赤眉無穀

自當來降吾折捶笞之非諸將憂也禹與赤眉戰赤眉陽敗棄

輜重走皆載赤豆覆其上兵士饑爭取之赤眉引還擊之軍潰

亂時百姓饑人相食黃金一斤易豆五升道路斷閉委輸不至

軍士悉以果實為糧吏士散已盡禹獨與二十四騎詣雒陽案

書本傳建武二年更封禹為梁侯至是上大司徒梁侯印罷三

綬詔歸侯印綬數月拜右將軍十三年定封為高密侯

公右將軍官罷以列侯就第位特進奉朝請篤于經書教學子

孫

鄧訓

鄧訓字平叔案訓禹第六子謙恕下士無貴賤見之如舊朋友子往來

門內視之如子有過加鞭扑之教太醫皮巡從獵上林還暮宿

殿門下寒疝病發時訓直事聞巡聲起往問之巡曰冀得火以

熨背訓身至太官門為求火不得乃以口噓其背復呼同廬郎

東觀漢記卷八



東觀漢記卷八  
共更噓至朝遂愈永平中治滹沱石白河從都慮至羊腸倉欲  
令通漕太原吏民苦轉運所經三百八十九隘前後沒溺死者  
不可勝算建初三年拜訓謁者監領其事更用驢輦歲省億萬  
計活徒士數千人訓將黎陽營兵屯漁陽爲幽部所歸還護烏  
桓校尉黎陽營故吏皆戀慕訓故吏最貧羸者舉國念訓常所  
服藥北州少乏又知訓好以青泥封書從黎陽步推鹿車于洛  
陽市藥還過趙國易陽并載青泥一襪至上谷遺訓其得人心  
如是吏士嘗大病瘡轉易至數千人訓身爲煮湯藥咸得平愈  
其無妻者爲適配偶坐私與梁扈通書免歸燕人思慕爲之作  
歌拜張掖太守以身率下河西改俗鄰郡則之爲護羌校尉諸  
羌皆喜發湟中秦胡羌兵四千人出塞掩擊逃唐于雁谷案范  
傳雁作寫逃唐乃去既復欲歸故地乃發湟中六千人令長吏任尚

將之縫革爲船置箬上渡河掩擊多所斬獲羌俗恥病死臨困  
輒自刺訓令拘持束縛不與兵刃醫藥療之多愈小大莫不感  
悅訓卒吏人羌胡愛惜旦夕臨者日數千人或以刀自割又刺  
殺犬馬牛羊曰鄧使君已死我曹亦且俱死耳前烏桓吏士皆  
奔走道路至空城郭家家爲立祠每有疾病輒禱請之求福也

### 鄧鴻

永平六年鄧鴻案鴻禹行車騎將軍位在九卿上絕坐

### 鄧陟

鄧陟案陟訓長子字昭伯三遷虎賁中郎將以延平九年拜爲  
車騎將軍儀同三司儀同三司始自陟也陟兄弟常居禁中陟  
謙退不欲久在內連求還第太后乃許殤帝崩惟安帝宜承大  
統陟定策禁中封陟爲上蔡侯增封三千戶讓不獲遂逃避使



者間關上疏自陳

鄧悝

鄧悝案悝訓第三子字叔昭安帝即位拜悝城門校尉自延平之初以

國新遭大憂故悝兄弟率常在中供養兩宮比上疏自陳愚聞

糞朽幸得遭值明盛兄弟充列顯位竝侍帷幄豫聞政事無拾

遺一言之助以補萬分而久在禁省日月益長罪責日深惟陛

下哀憐

鄧弘

鄧弘案弘訓第四子字叔紀和熹后兄也天資善學年十五治歐陽尙

書師事劉述常在師門布衣徒行講誦孜孜不輟奴醉擊長壽

亭長亭長將詣第白之弘即見亭長賞錢五千勵之曰直健當

然異日奴復與宮中衛士忿爭衛士箠奴弘聞又與五千弘收

恤

故舊無所失父所厚同郡郎中王臨年老貧乏弘常居業給足乞與衣裘輿馬施之終竟弘薨有司復請加諡曰昭成侯發五校輕車騎士為陳至葬所所施皆如霍光故事皇太后但令門生輓送

鄧閻

鄧閻案閻訓第五子字季昭遷黃門侍郎于時國家每有災異水旱閻

側身暴露憂懼顛顛形于顏色公卿以下咸高尚焉漢興以來

為外戚儀表鄧太后報閻曰長歸冥冥往而不返案范書鄧陟傳閻以元初

卒五年閻出則陪乘入侍左右忠言善謀先納聖善匡輔之言案此

八字晏殊類要作皆先聖法象臣輔之言朝夕獻納雖內得于上身在親近不敢自

恃競競之心彌以篤也鄧訓五子女為貴人立為皇后鄧氏

自中興後累世寵貴凡侯者二十九人公二人大將軍以下十

戚冥

災

固



東晉書卷八  
三人中二千石十四人州牧郡守四十八人其餘侍中大夫郎  
謁者不可勝數東京莫與爲比

鄧豹

案豹陟從弟字伯庠遷大匠工無虛張之繕徒無饑寒之色

鄧遵

案遵陟從弟元初中爲度遼將軍討擊羌虜斬首八百餘級得  
鎧弩刀矛戰楯七首二千枚破匈奴得釜鑊二千枚得七  
首三千枚詔賜駮犀劍遵破諸羌詔賜遵金剛鮮卑緹帶一具  
虎貫鞞囊一金錯刀五十辟把刀墨再屈環橫刀金錯屈尺八  
佩刀各一金蚩尤辟兵鉤一

吳漢

吳漢字子顏南陽人也更始立使使者韓鴻徇河北或謂鴻曰

吳子顏奇士也可與計事鴻召見漢甚悅之漢爲人質厚少文

造次不能以辭語自達鄧禹及諸將多相薦舉再三召見其後

勤勤不離公門上亦以其南陽人漸親之上旣破邯鄲誅王郎

召鄧禹宿夜語曰欲北伐幽州突騎諸將誰可使者禹曰吳漢

可漢與鄧弘俱客蘇弘弘稱道之禹數與語其人勇鷲有智謀

諸將鮮能及者上于是以漢爲大將軍漢遂斬幽州牧苗曾上

以禹爲知人漢性忠厚篤于事上自初從征伐常在左右上未

安則側足屏息上安然後退舍兵有不利軍營不如意漢常獨

繕檠弓戟閱具兵馬激揚吏士上時令人視吳公何爲還言方

作攻具上賞嗟曰吳公差強人意隱若一敵國矣封廣平侯與

蘇茂周建戰躬被甲持戟告令諸部將曰聞鼓聲皆大呼俱進

後至者斬遂鼓而進賊兵大敗討富平獲索二賊于平原案此建武

飢

周



劉

二年 明年春賊率五萬餘人夜攻漢營軍中驚亂堅臥不動公

孫述大司馬田戎將兵下江關至南郡據浮橋于江上漢鋸絕

橫橋大破之漢伐蜀分營于水南水北案姚之駟本作漢使副

餘人屯北營戰不利乃銜枚引兵往合水南營大破公孫述漢

戰敗墮水緣馬尾得出案范書公孫述傳述散金帛募敢死士

戰敗在是時使延岑偽挑戰潛遣奇兵襲擊破漢漢

而上下文關漢平成都乃乘桴沿江下巴郡楊偉徐容等惶恐

解散漢當出師朝受詔夕即引道初無辦嚴之日故能常任職

以功名終嘗出征妻子在後買田業漢還讓之曰軍師在外吏

士不足何多買田宅乎遂以分與昆弟外家漢爵位奉賜最尊

重然但修里宅不起第夫人先死薄葬小墳不作祠堂恭儉如

此漢疾篤車駕親臨問所欲言對曰臣愚無識知惟願慎無赦

已

而已及薨有司奏議以武為謚詔特賜謚曰忠侯無後國除案

小

書本傳漢薨子成嗣至孫且無子國除建初中徙封且弟筑陽侯肝為平春侯奉漢後肝卒子勝嗣與此異

賈復

賈復字君文案范書本傳復南陽冠軍人治尚書事舞陰李生李生奇之謂

門人曰賈生容貌志意如是而勤于學此將相之器復為縣掾

迎鹽河東會盜賊起等輩欺沒其鹽復獨完致縣中時上置兩

府官屬案此光武在河北時事復與段孝共坐孝謂復曰卿將軍督我大

司馬督不得共坐復曰俱劉公吏有何尊卑官屬以復不遜上

調官屬補長吏共白欲以復為都尉上署報不許復以偏將軍

東從上攻邯鄲擊青犢于射犬大戰至日中賊陣堅不却上傳

召復曰吏士饑可且朝食復曰先破之然後食耳于是被羽先

登所向皆靡諸將皆服其勇復北與五校戰于真定大破之復

傷創甚上驚復病尋愈追及上上見大喜詣雒陽拜左將軍南

犢却

飢

劉

致

而



賈

擊赤眉于新城轉西入關擊盆子于澗池破之吳漢擊蜀未破上書請復自助上不遣上以復敢深入希令遠往而壯其勇節常自從之故復少方面之勳諸將每論功復未曾有言上輒曰賈君之功我自知之復闔門養威重受易經知大義帝深然之遂罷左右將軍復以侯就第案范書本傳初封冠軍侯建武十三年定封膠東侯加位特進

賈宗

賈宗案宗復少子字武孺為朔方太守匈奴嘗犯塞得生口問太守為誰曰賈武孺曰寧賈將軍子耶曰是皆放遣還後更不入塞宗性方正為長水校尉奉職愛士及在朝廷數言便宜深見親異賞賜殊厚上美宗既有武節又兼經術每宴會令與當世大儒司徒丁鴻問難經傳

耿況

太史官曰耿況彭寵俱遭際會順時乘風列為藩輔忠孝之策千載一遇也案范書耿弁傳父況字俠游封牟平侯今其傳全闕此蓋傳後之序

耿弁

耿弁字伯昭扶風人更始使侍御史黃黨即封世祖為蕭王上在邯鄲宮晝臥溫明殿弁入告牀下請間曰今更始失政天下可馳檄而定使者來欲罷兵不可聽也兵一罷不可復會也上曰國家已都長安天下大定何用兵為弁曰青徐大賊銅馬赤眉之屬數十輩輩皆數十萬眾東至海所向無前聖公不能辦也敗必不久上起坐曰卿失言我繫卿弁曰大王哀厚弁如父子故披赤心為大王陳事上曰我戲卿耳何以言之弁曰百姓患苦王莽苛刻日久聞劉氏復興莫不欣喜望風從化如去虎

曰都



都劇諸

口就慈母倒戟橫矢不足以明喻公首事南破昆陽敗百萬師  
 今復定河北以義征伐表善懲惡躬自克薄以待士民發號嚮  
 應望風而止天下至重公可自取無令他姓得之上曰卿若東  
 得無爲人道之弁曰此重事不敢爲人道也上以弁爲建威大  
 將軍案范書本傳此在建武元年二年封好時侯張步都臨淄案范書本傳時張步都據使諸郡太守合  
 萬餘人守臨淄以後使弟玄武將軍藍將兵守西安去臨淄四  
 十里弁以軍營臨淄西安之間視西安城小而堅藍兵又精未  
 易攻也臨淄諸郡太守相與雜居人不專一其聲雖大而虛易  
 攻弁內欲攻之告令軍中治攻具後五日攻西安復縱生口令  
 歸藍聞之晨夜守城至期日夜半令軍皆食會明案此下疑有闕文求  
 乞攻西安臨淄不能救也弁曰然吾故揚言欲攻西安今方自  
 憂治城具而吾攻臨淄一日必拔何救之有吾得臨淄即西安

劇

孤必復亡矣所謂一舉而兩得者也且西安城堅精兵二萬人  
 攻之未可卒下卒必多死傷正使得其城張藍引兵突臨淄更  
 彊勒兵憑城觀人虛實吾深入敵地後無轉輸旬日之間不戰  
 而困諸君不見是爾遂擊臨淄至日中破之張藍聞臨淄破果  
 將其衆亡張步直攻弁營與劉歆等會戰弁升王宮環臺望之  
 弁與步戰飛矢中弁股以佩刀摧之左右無知者時上在魯聞  
 弁爲步所攻自往救之未至陳俊謂弁曰虜兵盛可且閉營休  
 士以須上來弁曰乘輿且到臣子當擊牛醢酒以待百官反欲  
 以賊虜遺君父耶乃出大戰自旦及昏復大破之後數日車駕  
 至臨淄自勞軍也弁凡平城陽琅邪高密膠東東萊北海齊千  
 乘濟南平原泰山臨淄等郡復追張步步奔平壽乃肉袒負斧  
 鎖于軍門而弁勒兵入據其城樹十二郡旗鼓令步兵各以郡



東觀漢記卷八  
人詣旗下衆尙十餘萬輜重七千餘兩皆罷遣歸鄉里弇少好  
學習父業案范書本傳弇父嘗見郡尉試騎士建旗鼓肄馳射  
由是好將帥之事凡所平郡四十六屠城三百未嘗挫折

耿國

耿國案國弇弟字叔憲

案范書本傳憲作慮

爲大司農曉邊事能論議數上便

宜事天子器之

耿秉

耿秉

案秉國子

字伯初爲征西將軍鎮撫單于以下擊匈奴封美陽

侯性勇壯而簡易于事軍行常自被甲在前休止不結營部然  
遠斥候明要誓有警軍陣立成士卒皆樂爲死秉薨賜朱棺玉  
衣南單于舉國發喪務面流血

耿恭

耿恭

案恭國弟廣之子

字伯宗時始置西域都護戊己校尉乃以恭爲

戊己校尉恭至卽移檄烏孫示漢威德昆彌以下皆歡喜遣使  
獻名馬願遣子入侍匈奴破殺後王安得攻金蒲城恭以毒藥  
傳矢傳語匈奴曰漢家神箭其中創者必有異因發強弩射之  
虜中矢者視創皆沸竝大驚相謂曰漢兵神真可畏也遂解去  
恭以疏勒城傍有水徙居之匈奴來攻絕其澗水吏笮馬糞汁  
飲之城中穿井十五丈無水恭曰聞貳師將軍拔佩刀刺山而  
飛泉出今漢德神靈豈有窮乎乃正衣冠向井再拜爲吏士請  
禱有頃井泉湧出吏士驚喜皆稱萬歲恭旣得水親自輓籠于  
是令士皆勿飲先和泥塗城竝揚示之救兵不至車師復叛與  
匈奴共攻恭數月食盡窮困乃煮鎧弩食其筋革恭與士衆推  
誠同死生故皆無二心擊車師大破之車師太子比特訾降恭



坐將兵不憂軍事肆心縱欲飛鷹走狗遊戲道上虜至不敢出  
得詔書怨懟徵下獄案范書本傳恭是時為長水校尉副馬防征西羌忤防謁者李譚奏恭以罪耿  
氏自中興以後迄建安之末大將軍二人九卿十三人尙公主  
三人列侯十九人中郎將護羌校尉及刺史二千石數十人遂  
與漢盛衰

東觀漢記卷八終

東觀漢記卷九

列傳四

寇恂

寇恂案范書本傳恂字子真上谷昌平人封雍奴侯仕郡為功曹太守耿況甚器重之

更始時大司馬朱鮪在雒上欲南定河內難其守問鄧禹曰諸

將誰可使守河內者禹曰寇恂文武備足有牧民御衆之才河

內富實南迫雒陽非寇恂莫可使也上乃用之以恂為河內太

守行大將軍事恂移書屬縣講兵肄射伐淇園之竹治矢百餘

萬上傳聞朱鮪破河內有頃恂檄至案范書本傳時光武北征燕代朱鮪聞河內孤使蘇

茂賈彊攻溫恂大破之上大喜曰吾知寇子翼可任也諸將軍賀因上尊

號恂同門生董崇說恂曰上新即位四方未定而君以此時據

大郡此讒人所側目怨禍之府也宜思功遂身退之計恂然其

羽異



恂

言因病不視事建武二年為潁川太守便道之官郡大生旅豆  
收得一萬餘斛以給諸營執金吾賈復在汝南部將殺人恂捕  
得乃戮之于市復以為恥過潁川謂左右曰吾今見恂必手劔  
之恂知其謀不欲與相見曰昔藺相如屈于廉頗者為國也乃  
敕屬縣盛供具一人皆兼二人之饌乃出迎于道稱疾還賈  
復勒兵欲追之而吏士皆醉遂過去恂以狀聞上乃徵恂恂至  
乃見時復先在座欲起相避上曰天下未定兩虎安得私鬪恂  
在潁川郡中政理賊不入境徵入為金吾潁川盜賊羣起車駕  
南征恂從至潁川盜賊悉降百姓遮道曰願從陛下復借寇君  
一年上乃畱恂隗囂死其將高峻擁兵據高平上入關將自征  
之恂時從上議遣使降之上乃謂恂曰卿前止吾此舉今為吾  
行也若峻不即降引耿弇等諸營擊之恂奉璽書至高平峻遣

軍師皇甫文謁辭禮不屈恂怒將誅文諸將諫曰高峻精兵萬  
人卒多強弩西遮隴道連年不下今欲降之反戮其使無乃不  
可乎恂不應遂斬之遣其副歸告峻曰軍師無禮已戮之矣欲  
降則降不欲固守峻惶恐即日開城降諸將皆賀因曰敢問戮  
其使而降城何也恂曰皇甫文峻之腹心其所計事者也今來  
不屈無心降耳諸將曰非所及也

岑彭

貳

岑彭案范書本傳彭字君然亡歸宛與師嚴尤共城守  
南陽棘陽人封舞陰侯  
傳王莽時守本縣長漢兵起攻拔棘陽被創亡歸宛與前隊  
貳嚴說共城守漢兵攻之數月糧盡與說舉城降此以前隊貳  
嚴說為貳師  
嚴尤疑誤  
光武使吳漢收謝躬令彭助漢為方略拜為刺姦

大將軍督察眾營授以所持節從平河北彭伐樹木開道直出  
黎丘案范書本傳此彭擊彭以將伐蜀漢而津鄉當荆揚之咽



季

喉乃自引兵還屯津鄉因喻告諸蠻夷諸蠻夷相率遣使貢獻  
于是江南之珍奇食物始流通焉彭圍隗囂于西城以縑囊盛  
土為隄灌西城谷水從地中數丈涌出故城不拔囂尾擊諸營  
彭師殿東入宏農界百姓持酒肉迎軍曰蒙將軍為後拒全子  
弟得生還也彭發桂陽零陵長沙委喻權凡六萬人騎五千  
匹皆會荆門案范書本傳此彭攻荆門浮橋事詔彭守益州牧所下郡輒行太  
守事彭若出界即以太守號付後將軍選官屬守州中長吏案

岑起

書本傳此彭軍入蜀時事  
岑起案起彭曾孫范書附彭傳起作杞元初中坐事免案范書彭傳彭封舞陰侯子遵嗣徙封細陽侯

馮異

馮異字公孫潁川人異薦邑子鈔期叔壽殷建左隆等光武皆  
以為掾史案范書本傳殷建作段建齊武王以譖愬遇害上與眾會飲食笑  
語如平常異侍從親近見上獨居不御酒肉枕席有泣涕處異  
獨入叩頭寬解上意因間進說曰天下同苦王氏思漢久矣更  
始諸將縱橫暴虐所至擄掠百姓失望今專命方面施行恩德  
夫有桀紂之亂乃見湯武之功民人饑渴易為充飽宜急分遣  
屬官徇行郡縣理冤結布惠澤上納之王郎起兵上自薊東南  
馳晨夜草舍夜至饒陽蕪葦亭時天寒烈眾皆饑疲異上豆粥  
明旦上謂諸將曰昨日得公孫豆粥饑寒俱解及至南宮聞王  
郎軍將至異進一笥麥飯兔肩因渡滹沱河至信都更始遣舞  
陰王李軼廩丘王田立大司馬朱鮪白虎公陳僑將兵三十萬  
共守雒陽上以異為孟津將軍屯河上上報異曰軼多詐不信

十 飢

飢

丘



久

人不能得其要領今移其書令朱鮪知之案范書本傳是時異與李軼通書軼不與

異爭鋒異具以奏聞光武故宜露軼書令鮪知之鮪怒遂使人刺殺軼異擊走朱鮪追至雒陽城門環城一匝乃還上聞之大喜諸將皆賀竝上奏勸上立曰帝

王不可以久曠上乃召異案范書本傳建武元年諸將勸光武即帝位光武乃召異詣郭問四方動

靜異曰更始敗亡天下無主案此語意未完當有闕文上曰我夢乘龍上天

案太平御覽作我昨夜夢騎赤龍上天覺寤心中動悸異因下席再拜賀曰此天

命發于精神心中動悸大王重慎之性也異遂與諸將定議上

尊號建武中征賊還過陽翟詔異上冢別下潁川太守都尉及

三百里內長吏皆會使太中大夫致牛酒宗族會郡縣給費遣

討赤眉車駕送至河南賜以乘輿七尺玉具劍敕曰念自修整

無為郡縣所笑異頓首受命西行布威信黽池霍郎陝王長湖

濁惠華陰陽沈等稱將軍者皆降與赤眉遇于華陰相距六十

底

去  
底

餘日降其將劉始王重等拜為征西大將軍與赤眉相距上命

諸將士屯黽池為赤眉所乘反走上回谿阪異復合兵追擊大

破之殺底璽書勞異曰垂翅回谿奮翼黽池失之東隅收之桑

榆人有上章言異威權至重專治關中百姓歸心使者宋嵩西

上因以章示異案范書本傳此建武五年事上引見異誦于公

卿曰是我起兵時主簿為我披荆棘定關中者也賜異璽書曰

聞吏士精銳水火不避購賞之賜必不使將軍負丹青失斷金

案范書本傳建武九年令異行天水太守事攻公孫述將趙匡等故有是詔異敕吏士非交戰受敵

常行諸營之後相逢引車避之由是無爭道變鬪者異為人謙

退每止頓諸將共論功伐異常屏止樹下軍中號大樹將軍

馮彰

永平五年徙封彰為平鄉侯案彰異長子范書異傳異封食鬱



林潭中彰子普坐鬪殺游徼會赦國除案范書異傳安帝永初六年復紹封普子晨為

朱祐

朱祐字仲先案范書本傳祐南陽宛人少孤歸外家復陽劉氏上以祐為護

軍案范書本傳此光武為大司馬討河北時事常舍止于中祐侍燕從容曰長安兵

亂公有日角之相從以觀上風采上曰召刺姦收護軍祐由是

不復言以祐為建義將軍攻朱鮪案此光武初即位時事祐斬張成延岑

敗走收得所盜茂陵武帝廟衣印綬案此建武三年事張成秦豐將也封祐為

鬲侯邑七千三百戶祐自陳功薄而國大願受南陽五百戶足

矣上不許上在長安時常與祐共車而出與共買蜜合藥後追

念之乃賜祐白蜜一石問何如在長安時共買蜜乎又過祐宅

祐嘗畱上須講竟乃談話及登位車駕幸祐第上謂祐曰主人

得無去我講乎祐曰不敢

祭遵

上過潁陽祭遵案范書本傳字弟孫潁陽人封潁陽侯以縣吏數進見上愛其容

儀署為門下吏從征河北為軍市令上舍中兒犯法遵格殺之

上怒命收遵主簿陳副諫曰明公常欲眾軍整齊今遵奉法不

避是教令行也上乃貸之以為刺姦將軍語諸將曰當備祭遵

吾舍中兒犯法尚殺之必不私諸卿也為征虜將軍將兵北入

箕關與弘農厭新柏華蠻中賊合戰弩矢入口洞出舉袖掩口

血流袖中眾見遵傷卻退遵呵吏士吏士進戰皆一人擊十大

破之遵遣護軍王忠皆持刀斧伐樹開道至略陽襲隗囂隗囂

破上從長安東歸過汧幸遵營勞之士眾作黃門武樂至夜御

燈火時遵有疾詔賜重茵覆以御蓋公孫述遣兵救隗囂吳漢

呵



袴

耿弇等悉奔還遵獨畱屯汧詔書曰將軍連年拒難衆兵卽卻復獨按部功勞爛然兵退無宿戒糧食不豫具今乃調度恐力不堪國家知將軍不易亦不遺力今送縑千匹以賜吏士遵奉公賞賜與士卒家無私財身衣布衣韋袴臥布被終身夫人裳不加綵士以此重之遵病薨喪至河南縣詔遣百官皆至喪所上車駕素服往弔望城門舉音遂哭而慟還幸城門閱過喪車瞻望涕泣上親臨祠以太牢儀如孝宣帝臨霍將軍故事時下宣弟臨霍將軍儀令公卿讀視以爲故事博士范升上疏曰遵爲將軍取士皆用儒術對酒娛樂必雅歌投壺又建爲孔子立後奏置五經大夫雖在軍旅不忘王室可謂守死善道者也乃贈將軍給侯印綬上遣校尉發騎士四百人被玄甲兜鍪兵車軍陣送遵葬遵廉潔奉公死後每至朝會上數嗟歎曰安得憂

國奉公之臣如祭征虜者乎衛尉銚期見上感慟對曰陛下至仁哀念祭遵不已羣臣各懷慚懼也遵無子國除

祭彤

案彤遵從弟

字次孫膂力過人力貫三百斤弓爲襄賁令是時

盜賊尚未悉平而襄賁清靜詔書增秩一等賜縑百匹策書勉勵拜遼東太守至則厲兵馬遠斥候虜每犯塞常爲士卒先鋒數破之彤之威聲揚于北方諸夷皆來內附野無風塵乃悉罷緣邊屯兵鮮卑奉馬一匹貂裘二領彤素清約爲遼東太守三十年衣無副儲顯宗嘉其功賜錢百萬及衣冠刀劍下至杯案食物大小重疊入爲太僕從至魯過孔子講堂上指子路曰此太僕室也太僕吾之禦侮及彤卒烏桓鮮卑追思無已每朝京師過彤冢拜謁仰天號泣乃去



祭參

鮮卑千餘騎攻肥如城殺略吏人祭參案參形子坐沮敗下獄誅

景丹

王莽時舉有德行能言語通政事明文學之士景丹案范書本傳丹字孫

卿馮翊櫟陽人因以言語為固德侯相丹率眾至廣阿上聞外有大兵

自來登城勒兵在西門樓上案太平御覽作出至城外兵所下馬坐鞍旃毳瓮上問何等

兵丹等對曰上谷漁陽上曰為誰來乎對曰為劉公即請丹入

上設酒肉人人勞勉恩意甚備建武二年定封丹櫟陽侯上謂

丹曰今關東故王國雖數縣不過櫟陽萬戶邑富貴不歸故鄉

如衣繡夜行故以封卿耳丹從上至懷病瘡在上前瘡發寒慄

上笑曰聞壯士不瘡今漢大將軍反病瘡耶使小黃門扶起賜

醫藥還歸雒陽病遂加拜弘農太守上以其舊將欲令強起領

破

郡事乃夜召入謂曰弘農逼近京師知將軍病但得將軍威重  
臥以鎮之足矣

蓋延

蓋延字巨卿漁陽要陽人身長八尺彎弓三百斤以氣勢聞為

幽州從事光武以延為虎牙將軍圍劉永于睢陽夜梯其城入

永驚懼走出魚門延追擊大破之斬其魯郡太守梁丘壽沛郡

太守陳修永軍反走溺水者半後與戰連破之遂平沛楚臨淮

悉降延令沛修高祖廟置嗇夫祝宰樂人因齋戒祝高廟延上

疏辭曰臣幸得受干戈誅逆虜奉職未稱久畱天誅常恐污辱

名號不及等倫天下平定以後曾無尺寸可數不能預竹帛之

編明詔深閔儆戒備具每事奉循詔命必不敢為國之憂也案

書本傳帝以延深入輕敵龐萌攻延延與戰破之詔書勞延曰



龐萌一夜反畔相去不遠營壁不堅殆令人齒欲相擊而將軍有不可動之節吾甚美之夜間急少能若是永初七年詔封延曾孫為盧亭侯案范書本傳延封安平侯延孫側以謀反誅國除至是復紹封

鈔期

鈔期字次況案范書本傳期穎川郊人封安成侯為光武賊曹掾從平河北上至

薊薊中應王郎上驚去吏民遮道不得行期瞋目道左右大呼曰蹕大眾披辟鄧禹發房子兵二千人以期為徧將軍別攻真定宋子餘賊援樂陽橐肥纍者從擊王郎將兒宏劉奉于鉅鹿下期先登陷陣手殺五十餘人創中額攝憤復戰遂大破之後勸上即位上笑曰卿欲遂蹕耶期疾病使者存問加賜醫藥甚厚其母問期當封何子期言受國家恩深常慙負如此不知當何以報國何宜封子也上甚憐之

死

何厚死

千 數手

小 十

東觀漢記卷十

列傳五

耿純

耿純字伯山鉅鹿人于邯鄲見上遂自結納獻馬及縑帛數百

匹王郎舉尊號欲收純純持節與從吏夜遁出城駐節道中詔

取行者車馬數十持歸宋子光武自薊東南馳純與從昆弟訴

宿植共率宗族賓客二千餘人皆衣縑襜褕絳巾逢迎詣上所

在盧奴言王郎所反之狀上拜純為前將軍封耿鄉侯案范書本傳光

武即位封純高陽侯建武六年定封為東光侯時郡國多降邯鄲純兄歸燒宗家廬舍

上以問純純曰恐宗人賓客卒有不同故焚燒廬舍絕其反顧

之望上大笑純請治一郡盡力自効上笑曰卿乃欲以治民自

効乃拜純為東郡太守後坐事免上過東郡數千人號呼涕泣



云願復得耿君上復以純為東郡太守

臧宮

臧宮字君翁

案范書本傳宮潁川陝人封朗陵侯

為輔威將軍將兵擊諸郡至中

盧屯駱越是時公孫述將田戎任滿與漢軍相距于荆門諸將戰數不利越人謀欲叛漢附蜀官兵少不足以制也會屬縣送委輸牛車三百餘兩至宮夜使鋸斷城門限令委輸車回轉出入隆隆至明越人伺候者聞車聲不絕而門限斷以漢兵大來乃奉牛酒勞軍由是遂安以城門校尉轉左中郎將征武陵蠻

馬武

建安六年馬武

案范書本傳武字子張南陽湖陽人封揚虛侯

與眾將上隴擊隗囂身

被兜鍪鎧甲持戟奔擊殺十人囂追兵盡還武中矢傷

劉隆

建武二十年中郎將劉隆

案范書本傳隆字元伯南陽安衆侯崇近族封慎侯為驃騎

將軍即日行大將軍事

馬成

馬成

案范書本傳成字君遷南陽棘陽人封全椒侯

為陝令上征河北成羸衣步擔渡

河詣上成善治障塞自西河至渭橋河上至安邑太原至井陘中山至鄴皆築堡壁起烽燧十里一候

王梁

光武拜王梁

案范書本傳梁字君嚴漁陽安陽人封阜城侯

為大司空以武強為侯國

梁為中郎將與景丹祭遵合擊蠻中破之詔梁別守天中關

陳俊

陳俊

案范書本傳俊字子昭南陽西鄉人封祝阿侯

初調補曲陽長上曰欲與君為左

右小縣何足貪乎俊即拜解印綬上以為安集掾建武二年俊



攻匡城賊下四縣上賜俊絳衣三百領以衣中堅同心之士

陳浮

二十三年詔以祝阿益濟南國故徙浮案浮封斬春侯

傅俊

傅俊案范書本傳俊字子衛從上迎擊王尋等于陽關漢兵反

走還汝水上上以手飲水澡盥鬚眉塵垢謂俊曰今日罷倦甚

諸卿寧憊耶

堅鐔

堅鐔字子皮案范書本傳作字子伋光武以鐔為揚化將軍鐔

獨孤絕南拒鄧奉北當董訢一年開道路隔塞糧饋不至食蔬

菜與士卒共勞苦

王霸

王霸

王霸案范書本傳霸字元伯祖父為詔獄案上為大司馬霸為

功曹令史從渡河北賓客從者數十人稍稍引去上謂霸曰

川從我者皆逝而子獨留始驗疾風知勁草王郎起上在薊郎

移購上上令霸至市口募人將以擊郎市人皆大笑舉手擲揄

之霸慙而去上從邯鄲避郎兵晨夜馳驚傳聞軍在後吏士惶

恐南至下曲陽滹沱河導吏言河水流斯無船不可渡左右皆

惶畏為郎所及上令霸前瞻水霸欲如實還報恐驚官屬雖不

可渡且臨水止尚可為阻即白曰冰堅可渡眾大喜上大笑曰

果妄言也遂前比至冰合可渡上令霸護渡馬欲僵各以囊盛

沙布冰上乃渡渡未畢數車而冰陷上謂霸曰安吾眾能濟者

卿力也謂官屬曰王霸從我勞苦前遇冰變權時以安吏士是

天瑞也為善不賞無以勸後即日以霸為軍正賜爵關內侯劉

王眾

王

漸

王



文及蘇茂臣于劉永上遣霸討之霸至遂閉門堅守勞賜吏士  
作倡樂賊衆歡呼雨射營中中霸前酒樽霸安坐不動爲上谷  
太守修飛狐道至平城堆石布土三百餘里

任光

任光字伯卿案范書光傳光南陽宛人封阿陵侯初爲鄉嗇夫漢兵攻宛軍人見  
光衣冠鮮明令解衣將斬而奪之會光祿勳劉賜適至視光容  
貌長者乃救全之光武平河北光暮入堂陽使騎皆炬火天地  
赫然盡赤堂陽驚怖卽夜降

任隗

任隗案隗光子字仲和從羽林監遷虎賁中郎將建武元年始置將  
作大匠自隗始隗拜司空永元初外戚秉權朝臣畏悚莫敢抗  
者惟隗與袁安同心畢力數犯顏諫

十 襪 十

李忠

李忠字仲都案范書本傳忠東萊黃人父爲高密中尉忠發兵奉世祖爲右  
將軍封武固侯時無綬上自解所佩綬以賜之上初至不脫衣  
帶衣服垢薄使忠解澣長襦忠更作新袍袴解支小單衣襪而  
上之上問諸將破賊所得物惟忠獨無所掠上曰我欲賜之諸  
君得無望乎卽以所乘大驪馬及繡被衣物賜之王郎遣將攻  
信都信都大姓馬寵等開城內之收太守宗廣及忠母妻子皆  
繫獄而令親屬招呼忠時寵弟從忠爲校尉忠卽時召見責數  
以背恩反賊因格殺之諸將皆驚曰家屬在手中殺其弟何  
猛也忠曰若縱賊不誅則二心也上聞而美之謂忠曰今吾兵  
已成也將軍可歸救老母妻子忠曰蒙明公大恩思得効命誠  
不敢內顧宗親忠病濕痺免

涇



忠

莽末

李純

永平二年坐純

案純孫

母禮殺威弟季

案范書忠傳宗封中水侯卒子威嗣威卒子純嗣永

平九年坐母殺純叔父國除此以二年為九年仍脫國除二字

邳彤

邳彤字偉君信都人也

案范書本傳封靈壽侯

王莽分鉅鹿為和戎郡

居下曲陽以彤為卒正更始即位上以大司馬平河北至曲陽彤舉城降為後大將軍信都反為王郎所置信都王捕繫彤父弟及妻子使為手書呼彤曰降者封爵不降者滅族彤泣報曰事君者不得顧家彤親所以至今日得安于信都者劉公之恩公事方爭國不得復念私也

劉植

光武以劉植

案范書本傳植字伯先鉅鹿昌城人

為驍騎將軍攻中山封昌城侯

孫述坐與楚謀反國除

劉歆

劉歆字細君

案歆植從兄

劉嘉

劉嘉字共仲

案嘉植弟范書本傳嘉作喜

建武四年以嘉為驍騎將軍攻涿

郡

王常

王常

案范書本傳常字顏卿

其先鄆人父博成哀閒轉客潁川舞陽因家

焉光武于大會中指常謂羣臣曰此家率下江諸將輔翼漢室心如金石真忠臣也是日遷漢忠將軍為橫野大將軍位次與諸將絕席封山桑侯孫廣坐楚事國除

李通



齊武王嘗殺通案范書本傳通字次元南陽宛人封固始侯同母弟申屠臣案申屠臣本書光武紀作公孫臣上恐其怨不欲與軼相見軼數請上乃強見之軼深達通意上乃許往意不安買半亩佩刀懷之至通舍通甚歡握手得半亩乃謂上曰一何武也上曰倉卒時以備不虞耳王莽前隊大夫誅謀反者通聞事發覺被馬欲出馬駕在轅中惶遽著鞍上馬出門顧見車方自覺乃止通娶寧平公主為大司空性謙恭常避權勢謝病不視事上司空印綬以特進奉朝請久之有司請封諸皇子上感通首創大謀封通少子雄為郡陵侯每幸南陽常遣使以太牢祠通父冢

實融

河西太守實融案范書本傳融字周公扶中平陵人遣使獻橐駝令弟友詣闕道絕馳還遣司馬虞封閒行通書案范書本傳虞封作席封光武詔封融曰行

河西五郡大將軍涼州牧張掖屬國都尉實融執志忠孝扶微救危仇疾反虜隗囂率厲五郡精兵羌胡畢集兵不血刃而虜土崩瓦解功既大矣篤意分明斷之不疑吾甚嘉之其以安豐陽泉蓼安風凡四縣封融為安豐侯融光武時數辭爵位不欲傳子不許因上疏曰臣融年五十三有一子年十五質性頑鈍臣融朝夕教導以經藝不得令觀天文見讖記誠欲令恭肅畏事恂恂修道不願其有才能何況乃當傳以連城廣土享侯國哉他日會見迎詔融曰公欲讓職還土今相見不宜論也融嗣子穆尚內黃公主而融弟顯親侯友嗣子固尚沮陽公主案沮陽書融傳穆長子勳尚東海公主案范書融傳穆子勳尚東海作涅陽穆長子勳尚東海公主案范書融傳穆子勳尚東海誤實氏一主兩侯三公主四二千石自祖至孫官府廩第相望奴婢千數雖親戚功臣莫與為比案太平御覽作固破西羌還



朝廷門內尚三公主賞賜恩寵榮  
于當世親戚功臣無與為等也

寶固

寶固字孟孫案固融弟友子少為黃門郎謙讓有節操中元元年以固為中郎將監羽林左騎為奉車都尉與駙馬都尉耿秉北征匈奴遂滅西域開通三十六國在邊數年羌胡親愛之羌胡見客炙肉未熟人人長跪前割之血流指閒進之于固固輒為啗不穢賤之是以愛之如父母也破西羌還為衛尉奉兩宮宿衛而見重當世恭謹下士賑施宗族甚有名稱

寶憲

寶憲案憲融曾孫范書本傳憲字伯度侍宮掖聲勢遂以賤直奪沁水公主園田公主不敢訴後肅宗駕出過園指以問憲憲陰喝不得對發覺帝大怒召憲切責曰今貴主尚見枉奪何況小民乎章帝崩

寶太后臨政憲為大將軍弟景執金吾瓌將作大匠光祿勳大將軍置長史司馬員吏官屬位次太傅封武陽侯食邑二萬戶憲固辭封詔曰大將軍憲前歲出征克滅北狄朝加封賞固辭不受舅氏舊典竝蒙爵土其封憲冠軍侯邑二萬戶憲以特進見禮依三公竝未開封

寶章

寶章案章融玄孫范書本傳章字伯向時謂東觀為老氏藏室案范書本傳太僕鄧康聞其名請欲與交章不肯往康以此益重焉是時學者稱東觀為老氏藏室道家蓬萊山康遂薦章入東觀為校書郎此文前後竝闕

卓茂

卓茂字子康案李善文選注作字子容南陽人也為丞相史嘗出道中有人認茂馬者茂問失馬幾日對曰月餘矣茂曰然此馬已畜數年遂解馬與之曰即非所失幸至丞相府還我乃步輓車去後日



馬主自得其馬慙愧詣府叩頭謝歸焉茂爲密令河南郡爲置  
守令與茂竝居久之吏人不歸往守令茂視民如子口無惡言  
吏民親愛而不忍欺之民嘗有言部亭長受其米肉遺者茂問  
之曰亭長從汝求乎爲汝有事屬之而受乎將平居恩意遺之  
乎民曰往遺之耳茂曰遺之而受何故言耶民曰竊聞賢聖之  
君使民不畏吏吏不取民今我畏吏是以遺之茂曰凡人所以  
貴于禽獸者以有仁愛知相敬事也亭長素爲善吏歲時遺之  
禮也今鄰里尚致餽此乃相親況吏民乎凡人之生羣居雜處  
故有經紀禮儀以相交接汝獨不欲修之寧能高飛遠去不在  
人間耶民曰苟如此律何故禁之茂笑曰律設大法禮從人情  
今我以禮教汝必無怨惡以律治汝何所措其手足乎時天下  
大蝗河南二十餘縣皆被其災獨不入密界督郵言之太守不

信自出案行見乃服焉光武卽位先訪求茂案太平御覽茂時  
年七十餘矣詔封茂宣德侯以茂爲太傅賜几杖安車一乘茂  
爲人恬蕩樂道推實不爲華貌束身執節行已在于清濁之間  
自束髮至白首與人未嘗有爭競







來歙

來歙字君叔南陽人也有大志慷慨治左氏春秋與劉嘉俱詣  
雒陽世祖見歙與之大歡曰君叔獨勞苦解所被襜褕以衣歙  
拜大中大夫建武五年持節送馬援奉璽書于隗囂囂遣子恂  
隨入侍時山東略定帝謀西收囂兵與俱伐蜀囂將王元說囂  
故狐疑不決歙素剛直遂發憤責之曰國家以公知臧否曉廢  
興故以手書暢至意足下推忠誠遣伯春委質是君臣父子信  
也今乃欲從佞惑之言為族滅之計叛主負子違背忠信吉凶  
之決在于今日因欲前刺囂囂起入部勒兵將殺歙歙仗節就  
車而去歙與征虜將軍祭遵襲略陽因保其城上聞甚悅左右  
怪上數破大敵今得小城何足以喜然上以略陽囂所依阻心  
腹已壞則制其支體易也囂圍歙于略陽

案范書本傳歙襲得略陽囂大驚曰何其

歙  
不  
錯

神也乃悉兵數萬人圍之上詔曰桃花水出船檣皆至郁夷陳倉分部而進  
上大發關東兵自將上隴討囂囂眾潰走圍解于是置酒高會  
賜歙班絕席坐在諸將之右賜歙妻縑千匹上使歙監諸將因  
歙上疏宜益選兵馬儲積資糧詔于汧積穀六萬斛驢四百頭  
負馱隗囂破後有五谿六種寇見便鈔掠退阻營塹歙乃大治  
攻具衝車度塹遂與五谿戰大破之與蓋延攻公孫述將王元  
破之蜀人大懼使刺客刺歙歙未死馳告蓋延延見歙伏悲不  
能仰視歙叱曰故呼卿欲屬以軍事而反效兒女子泣涕乎延  
收淚強起受所誠歙自書表投筆抽刃而死

案范書本傳贈征羌侯

樊重

樊重字君雲南陽人

案重光武外祖

世善農稼好貨殖治家產業起廬

舍高樓連閣陂池灌注竹木成林閉門成市家素富外孫何氏



兄弟爭財重恥之以田二頃解其忿訟縣中稱美推爲三老年八十餘臨終其素所假貸人間數百萬遺令焚削文契債家聞者皆慙爭往償之諸子從敕竟不肯受世祖卽位追封重爲壽張敬侯

樊宏

樊宏案宏重長子字靡卿拜光祿大夫位特進封長羅侯建武十三年從都尉封謝侯十五年徙封壽張侯宏爲人謙慎常戒其子曰富貴盈溢未有能終者天道惡滿而好謙前世貴戚皆明戒也保身全己豈不樂哉宏每當朝會迎期先到俯伏待事時至乃起上聞之敕騶臨朝乃告勿令豫到宏病困車駕臨問其所欲言宏頓首自陳無功享食大國願還壽張食小鄉亭上悲傷其言而不許

樊儵

樊儵案儵宏長子字長魚事後母至孝母嘗病癰儵晝夜匍伏不離左右至爲吮癰母終上遣中黃門朝暮餐食野王獻甘膠膏飴每作大發案范書儵傳作每輒擾人吏以爲饒利儵知之臨薨奏焉

樊梵

樊梵案梵儵第三子字文高爲尚書郎每當直事嘗晨駐馬待漏雖在閒署冠劍不解于身每齋祠恐失時乃張燈俯伏爲郎二十三歲未嘗被奏三署服其慎也

樊準

樊準案準宏族曾孫字幼陵爲別駕從事臨職公正不發私書世稱冰清準見當時學者少憫先王道術陵遲乃疏日光武皇帝受命



涿 寮

論道孝明皇帝尤垂情古典游意經藝刪定乖疑稽合圖讖封  
師太常桓榮為關內侯親自制作五行章句每享射禮畢正坐  
自講諸儒竝聽四方欣欣是時學者大盛冠帶搢紳遊辟雍觀  
化者億萬計案范書本傳時鄧太后臨朝儒學陵替準上疏請  
博求名儒徵詣公車俟帝講習之期公卿各舉明  
經及舊儒子孫進其爵位  
使續其業太后深納其言為御史中丞執憲御下舉正非法官  
寮震慄轉尚書令明習漢家舊事周密畏慎

張況

張況案范書張禹傳禹趙  
國襄國人祖父況遷涿郡太守時年八十不任兵馬上  
疏乞身詔許之後詔問起居何如子歆對曰如故詔曰家人居  
不足贍且以一縣自養以況為常山關長會赤眉攻關城況出  
戰死上甚哀之

張歆

張歆案歆子歆守臯長有報父仇賊自出歆召囚詣閣曰欲自受其  
辭既入解械飲食之便發遣遂棄官亡命案范書張禹傳  
作以報仇逃亡逢赦  
出由是鄉里服其高義後仕為淮陽相時王新歸國賓客放縱  
于亂法禁歆將令尉入宮搜捕王自上歆坐左遷為汲令卒官

張禹

張禹案禹歆子范書本傳  
禹字伯達封安鄉侯好學習歐陽尚書事太常桓榮惡衣  
食永平六年禹為廷尉府北曹吏處事執平為京師所稱明帝  
以其明達法理有張釋之風超遷非次拜廷尉徐縣北界有蒲  
陽陂水廣二十里徑且百里在道西其東有田可萬頃禹為開  
水門通引灌溉率吏民假與糧種禹巡行守舍止大樹下食糒  
乾飯屑飲水而已後年鄰國貧人來歸之者茅屋草廬千餘戶  
屠酤成市墾田四千餘頃得穀百萬餘斛功曹吏戴閏當從行

千

千



縣從書佐假車馬什物禹聞知令直符責問閏具以實對禹以宰士惶恐首實令自致徐獄和帝南巡祠廟園禹以太尉留守北宮大官朝夕送食賜毳毼具物除子男盛為郎禹為太傅錄尚書事鄧太后以殤帝初育欲令重臣居禁內乃詔禹舍宮中給帷帳牀褥大官朝夕進食五日一歸府每朝見特贊與三公絕席

郭況

郭況案范書郭后紀后真定藁人父昌昌子況封陽安侯為城門校尉況皇后弟貴重賓客輻輳而況恭儉謙遜尊奉法度不敢一奢為鴻臚上數幸其宅飲酒賞金帛甚盛京師號況家為金穴言富實也

陰睦

建武二年追尊貴人父睦為宣恩侯案本書陰后傳睦字君孟后之父也南陽新野人

陰識

陰識案識睦長子范書本傳識字次伯封原鹿侯為守執金吾居位數十年對賓客語不及國家其慎重如此

陰興

陰興案興睦次子字君陵為期門僕射從上出入常操小蓋疾風暴雨屏翳左右泥塗狹隘自投車下脫袴解履涉淖至踝上欲封興置印綬于前興固讓曰臣未有先登陷陣之功而一家數人竝蒙爵土令天下缺望上嘉興之讓不奪其志興盡忠竭其無益于國雖在骨肉不以私好害公義與同郡張宗上谷鮮于褒不相知其有用猶稱其所長而達之友人張汜杜禽與興厚善以為華而少實但私之以財終不為言是以世稱其忠平興夫人薨會葬詔使五官中郎將持節至墓賜印綬追封加諡

思 好



興曰鮦陽翼侯

陰傳

陰傳案傳興第二子范封瀝陽侯案此永平七年以瀜強屬西

書作博附見與傳徒封于丹陽為期思侯案司馬彪郡國志瀝強期思並

有闕文屬汝南郡丹陽無期思地此文

誤有

東觀漢記卷十一





